

# **JINUKÚN GBÀKIJÀ TỌN**

(THE SEED OF DISCREPANCY)

1965-01-18

WILLIAM MARRION BRANHAM



## JINUKÚN GBÀKIJÀ TỌN

Yẹn ko dè ohóta pẹ̀vi de to whẹ̀jai he kavi owéhihia pẹ̀vi de, eyín Oklunọ̀ jlo nado ná mí nado mọ̀dona ohó he tin to e mẹ̀, yèdọ̀ to Owé MATIU 13:24-30 tọn mẹ̀. Podọ̀ sọ̀n whenẹ̀nu, yẹn sọ̀ jlo nado hia sọ̀n afọ̀ etọn 36-40 mẹ̀, to ojẹ̀ pẹ̀vi de mẹ̀, dinvie, mì dótóai hlan hihia Ohó lọ̀ tọn. Ohó ọ̀ie lẹ̀ na gbọ̀vo, ọ̀igba Ewọ̀ tọn ma na gbọ̀vo gbede.

*Oló devo wẹ̀ é sọ̀ zé do yé nukon, domo, Aholudu olon tọn taidi dawẹ de, he do okún dagbe do oglè eton mẹ.*

*Ọ̀igba lé gbẹtọ̀ lẹ̀ damlọ̀n, kẹ̀ntọ̀ eton wá bo do ogbé ylankan do likún mẹ, bo sọ̀ tọ̀nyì. Ọ̀igba whenuena apà eton tọn, bo dè sinsẹ̀n jẹgbonu, whenẹ̀nu wẹ̀ ogbé ylankan sọawúhia ga.*

*Mọwẹ̀ afanumẹ̀ whénọ̀ lọ̀ tọn lẹ̀ wá bo do hlan ẹn domo, Oklunọ̀, e ma yín okún dagbe wẹ̀ a do do oglè towe mẹ? Fie wẹ̀ e hẹ̀n ogbé ylankan sọ̀n?*

*É sọ̀ do hlan yé, domo, kẹ̀ntọ̀ de wẹ̀ basi ehe. Afanumẹ̀ eton lẹ̀ sọ̀ do hlan ẹn domo, Bé hiẹ̀ na jlo na mí ni yì ọ̀nyan yé sẹ?*

*É sọ̀ domo, Lala; na whenuena mì to ogbé ylankan ọ̀nyan, mì níkà họn adọ̀ na likún po yé po.*

*Mì gbọ̀ awele ni whẹ̀n dopọ̀ kaka jẹ̀ jijẹwhenu: to ojẹ̀ jijẹwhenu tọn mẹ̀ yẹn na do hlan gbìngbèntọ̀ lẹ̀, do, Mì bẹ̀ ogbé ylankan pli whẹ̀, mì bla yé do kọ̀nùkọ̀nù nado yí miyọ̀n do mẹ̀ yé: ọ̀igba mì bẹ̀ likún pli do zinhọ̀ ọ̀ie mẹ̀.*

Enẹ̀wutu mì do ayi e go, do, “Mì bẹ̀ ogbé ylankan pli whẹ̀, bo bla yé do kọ̀nùkọ̀nù?” Dinvie, to ehe hihia mẹ̀, onú jonọ̀ de sọawúhia mi to whenuena yẹn tin to aisinsin to Osó Katalina tọn lẹ̀ ji to ozán he wáyì mẹ̀ to odẹ̀ mẹ̀. Podọ̀ yẹn lẹ̀n to whenẹ̀nu do, fie wẹ̀ yẹn sọ̀gan dè ohóta he ji yẹn jlo nado dọ̀hó do to whẹ̀jai he ji sọ̀n?

Podọ̀ yẹn sọ̀ jẹ̀te wádò bo mọ̀ ohógó gbàkija tọn, whenẹ̀nu wẹ̀ yẹn zé owégbó bo pọ̀n núhe ohógó gbàkija tọn yín. Podọ̀ tùnmẹ̀ eton wẹ̀ yín “jinukún ylankan dido,” kavi “núhe jẹgọ̀,” kẹ̀dẹ̀dilé ogbè he yè nọ̀ ylọ̀ do Wẹ̀bsta do dó, do, “jinukún ylankan dido yín onú gbọ̀nvò de,” kavi “núhe jẹgọ̀dó núhe ko tin lọ̀.” Enẹ̀wutu, yẹn lẹ̀n to whẹ̀jai he do, yẹn na ylọ̀ ohóta ọ̀ie lọ̀ do, *Jinukún Gbàkija Tọn*. Yẹn sọ̀ yise do, Oklunọ̀ na dona Ohó Etọn dinvie kẹ̀dẹ̀dilé mí to nukọ̀nyì to E mẹ̀ dó.

Podọ̀ mí sọ̀ mọ̀dona do, É ná tùnmẹ̀ sọ̀n afọ̀ gbàntọ̀n-nukun-dopotọ̀ (36) jẹ̀ afọ̀ kande-atọ̀ntọ̀ (43) mẹ̀, dolé jinukún he yín whinwhẹ̀n lọ̀ go do. Podọ̀ whenuena mí to ohó do do e ji, mì gbọ̀ na mí ni hia sọ̀n afọ̀ gbàntọ̀n-nukun-dopotọ̀ (36) jẹ̀ afọ̀ kande-atọ̀ntọ̀ (43).

*Whenenu wẹ Jesu do gbẹtọ lẹ hlan, bo sọ biọ owè gbè: núpłóntọ etọn lẹ sọ wá ede, bo domọ, Do odò oló ogbé ylankan ogè mẹ tọn hlan mí.*

*É sọ gblon bo domọ, Mèhe dó okún dagbe wẹ Ovi gbẹtọ tọn;*

*Oglè wẹ aihon: podọ okún dagbe lẹ, ehe lẹ wẹ Ovi ahóludu tọn; podọ ogbé ylankan wẹ Ovi meylankan nẹ tọn:*

*Kentọ he dó yé wẹ Lẹgba lọ; jijẹ-whenu wẹ opòdó owenu tọn; gbingbèntọ lẹ wẹ angèli lẹ.*

*Enẹwutu dilè yè bẹ ogbé ylankan pli, bọ yè yí miyọn do mẹ yé do; Mọwẹ e na te to pòdó owenu lọ tọn.*

*Ovi gbẹtọ tọn na dó angèli etọn lẹ hlan gbonu, yé bo na bẹ onú he hẹn ahlida wá lẹpo sọn ahóludu mẹ, po yé he wà ylanwà lẹ po;*

*É na zé yé dlan zokán miyọn tọn mẹ: finẹ wẹ avi po adukúnkún po na te.*

*Whenenu wẹ dódónọ lẹ na to sisẹ jẹgbonu di owè to ahóludu Otọ yétọn tọn mẹ. Mèhe tindo otó lẹ, gbọ é ni sè.*

Jesu lọsu wẹ na túnmẹ oló lọ tọn, enẹwutu, mí mọdona onú he túnmẹ yín to whenenu. Podọ dinvie, kẹdèdilè mí to dindón sẹpọ didó jinukún lọ tọn podọ gbingbèn jinukún lọ tọn po, dinvie É na túnmẹ etọn. Podọ whenenu yẹn yise do Jesu do oló he to ojẹ Etọn mẹ, şigba e tin hlan opòdó aihon tọn, kavi, vivonu owèta lẹ tọn, he yín egbé. Yẹn yise do, ohóta whèjai he tọn sọgbè hẹ ojẹ he mẹ mí tin te go, nugbonugbo, na Jesu Lọsu do to ofi titegbe de do, “béplidopó lọ na yín hlan aihon he,” whenenu wẹ opòdo na wá; béplidopó likún tọn lọ podọ ga béplidopó ogbé ylankan lẹ lọ tọn nado dó miyọn yé ji, podọ nado bẹ likún lẹ do Ahóludu mẹ. Podọ yẹn yise do mọwẹ.

Mọwẹ yẹn wlán Owéfo devo he hẹn mi yise domọ, to Owé MATIU 24:24 tọn mẹ, fie yè dọhó dogbon jinukún gbàkija tọn lọ tọn dali te. Enẹwutu wẹ Jesu domọ, awele na di yénzo lẹ sọmọ bọ eyín e sọgan wiwà yèdo nado klọ meşinşinyan lẹ ga. Yèdo dopolo.

Podọ yè wlán ẹn to ofi devo to Owé Wiwé lẹ mẹ do, jikún dopolo wẹ nọ ja do dódónọ po mawádónọ po ji.

Dinvie, yẹn flin dọpón şie tintan to whenuena yẹn tin to omẹ Pentikosti tọn lẹ şenşen. Do ayi e go do, yẹn ko tin to otò Mişawaka tọn mẹ, to Indiana mẹ. Podọ to wofon daho de mẹ, gohò he taidi ehe hunkọ de, fie mèhe sọn Agewàji po Ohùwàji po bẹ yédele plidopó te. Na kinklán he wá azán nele mẹ tọn wutu, wẹ yé do bẹ yédele plidopó to finẹ. Do ayi e go, yẹn mọ memesunnu awe he tindo aşepipa to agùn Pentikosti tọn mẹ lẹ. Yẹn ma ko sè dogbon enele tọn dali kavi ko mọ yé pón gba. Dinvie, enẹ

wẹ tintan he yẹn sè lé yé to ogbè hunkòhunkò do dó. Podò to opòdo wòfòn lọ tọn, yẹn mēhe ma yín agùnvi de to yé mē, adavo devizònwàtò agùn Baptisti tọn pẹvi de wẹ yẹn, bọ yẹn to yìgò-yìgò yì . Podò tintan he yẹn sè mēde to ogbè hunkòhunkò do, yẹn matlẹ mọdona núhe e yín. Mì do ayi dawẹ awe heḷe go, dọ, yè zé yé do nukòn, dopo to yé mē nọ do ogbè hunkòhunkò, bọ omẹ awetọ lọ nọ dètana núhe omẹ tintan lọ dọ. Mọwẹ yẹn sẹ Biblu s̄ie hia, podò to vivẹnu de mē solé yẹn sọgan do, podò to whenẹnu yẹn mọ dọ núhe yé to wiwà nẹ lọ sọgbè hẹ Owé Wiwé. Enẹ lọ wẹ onú titegbe he Owé Wiwé dọ, dọ, Gbigbọ Wiwé na basi.

Podò to azán dopo nẹ lọ godò ... To ozán nẹ lọ mē, ayiha s̄ie góna tukla. Whenẹnu wẹ yẹn mlọnai to oglè mē, na yẹn ma tindo akuẹ nado hò adòzán adavo ehe sọgan hẹn mi yì whégbè, podò yẹn sọ tindo akla he ko hò azán pẹde na nùdùdù afonnu s̄ie tọn. Enẹwutu, yè kẹlọyí mi nado dù hẹ yé, s̄igba yẹn ma tindo akuẹ nado zé do e mē gba. Azán awubla tọn de wẹ azán nẹlẹ yín hlan mi to owè fọtòn-fẹnẹ e lán kantòn-wiatòntò (1933) mē, enẹwutu, e sinyẹnawu talala nado nùtòn. Yẹn sọ lẹn dọ, “Nugbo, yẹn ma to na dù hẹ yé gba, s̄igba yẹn jlo nado mọdona núhe yé tindo. Na yé tindo núhe yẹn ma tindo wutu.”

Enẹwutu, to afonnu etọn, yé dọmọ, “Devizònwàtò lẹpo ni wà agbà ji bo do yédele hia, whenẹnu wẹ yé kànbiọ mi dọ, mẹnụ wẹ hiẹ, podò fie wẹ hiẹ sọn wá?”

Do ayi e go, yẹn sọ gblon dọmọ, “William Branham, yèdọ evanjelisti de sọn otò Jefesonvili tọn mē.” Podò to ojḷe nẹ mē, yẹn wẹ devizònwàtò yọpọvu he tin to agbà lọ ji. To azán nẹ godò, yé ylọ mi nado dọhó to agbà lọ ji, podò whenuena yẹn dọhó mọ vọ, mí omẹ pọ jaya dopó, sọn whenẹnu devizònwàtò alopālọpa s̄e yiylọ mi nado wá dọyewehé to agùn yetọn lẹ ji.

To enẹ godò, yẹn lẹn dọ, “Eyín yẹn sọgan jẹ otẹn he mē omẹ awe heḷe jẹ bo do to ogbè hunkòhunkòdó bo sọ to tadena!” Enẹ wẹ núvẹnamẹ to ayiha s̄ie mē tọn, ehẹtọn yẹn tindo hùdo etọn talala. Podò kẹdédilẹ yẹn ko dọ hlan mi dó to bibénu, yèdọ núniná pẹvi he go mì sọgan hẹn. Bé mì mọdona dọ, núniná po oylọ lẹ po matindo lẹnvọjọ gba, na mì tindo yé to gbèzán mìtọn lẹpo mē? Podò eyín yé yín núniná Jiwheyewhe tọn, yè nọ ji mì po yé po. Mọwẹ hlan mi to wheḷeponu, yèdọ sọn ovu whenu s̄ie, na wheḷeponu wẹ e nọ sọawúhia mi, podò mēhe mọdona gbèzán s̄ie lẹpo yónẹn dọ nugbo wẹ. Nugbo, yẹn ma mọdona núhe e yín to whenẹnu gba, bọ yẹn sọ nọ ylọ ẹ dọ núnimọ de, yẹn matlẹ yón núhe e yín lala. S̄igba yẹn to linlẹn dọ, “Eyín yẹn gbẹ sọgan dọhó hlan yé!” Podò gbigbọ he tin to gohò lọ mē sọawúhia di Gbigbọ Jiwheyewhe tọn.

Whenenu wẹ yẹn tẹnpón bo dọhó hlan dopo to yé mẹ, bo kàn ohó vude biọ ẹ, yẹn sọ mọ dọ Yisenọ nugbo de wẹ ewọ. Mayise de matin to ewọ mẹ gba, na yisenọ nugbo de wẹ dawẹ lọ. Podọ dawẹ awetọ lọ, whenuena yẹn dọhó hlan ẹn, yẹn mọ dọ ewọ yín dopo to yenuwàtọ he yẹn ma ko mọ pón gbèdè lẹ mẹ. Asi etọn wẹ nawe he tindo odà vẹ, mọwẹ é tindo visunnu awe gbọn nawe he tindo odà yĩ de dali. Podọ yẹn lẹn dọ, “Etẹwẹ dinvie? To fiñẹ, yẹn tin to wuwlu mẹ. Do ayi e go, yẹn mẹhe yinwanna Owé Wiwé; enẹwutu, e dóna yín Ohó lọ kavi e ma na yín mọ. Podọ to ofi, kẹdẹdilẹ yẹn mọdona dó, omẹ dopo sọawúhia di nugbonọ, podọ omẹ awetọ ma yín nugbonọ to alọdepope mẹ gba; mọ Gbigbọ lọ sọ jẹ yé omẹ awele ji. Nawẹ enẹ sọgan yín dó dinvie?” Na e dablado mi titegbe.

To owè awe godo, yẹn yì odò de mẹ to fie yẹn nọ hodẹ te, bo to dẹho. Yẹn sọ góna afín to odò lọ mẹ, podọ to whèjai de yẹn tónjẹgbonu, bo zé Biblu sịe do atin de ji, bọ jẹhọn sọ hùn In do Owé HEBLU 6 tọn mẹ. Fie yè wlán ẹn te dọ, lé e na te to azán godo tọn lẹ mẹ eyín yé diọkọ sọn Nugbo lọ mẹ, e glo nado vọ yé lẹ yóyọ do lẹnvojo mẹ, na avósanna ylando matin ba, podọ lé wẹwu po tẹwu po he dònsepọ gbigbé na yín fifiọ to opòdo dó; sịgba na aigba he to osìn ojikun tọn he to jija do e ji whẹwhẹ zé nù; sịgba ehe to wẹwu po tẹwu po sẹn, yè gbé ẹ, sịgba yè na bla olikún lẹ dopọ. Whenenu wẹ yẹn lẹn dọ, “Nugbo, e sọgan yín dọ jẹhọn lọ hùn ofi lọ.” Mọwẹ yẹn sọ vọ Biblu lọ zédai. Podọ yẹn sọ lẹn dọ, “Dinvie, yẹn na ... Jẹhọn lọ sọ gòwá bo sọ hùn In. Enẹ lọ sọ jọ whlåtòn hunkọ. Yẹn sọ lẹn dọ, “Dinvie, enẹ yín onú jonọ de hlan mi.”

Podọ whenenu Yẹn sọ fón tite, bo sọ dọmọ, “Oklunọ É, etẹwu wẹ Hiẹ jlo nado hùn Owé wiwé he na mi nado hia, whenuena yẹn sẹ owé lọ hia ji yẹn mọ ofi he yè dọhó, “wẹwun po tẹwun po tọn te ehe yín gbigbédai, podọ opódo mẹhe tọn yè simiyon” Yẹn sọ lẹn dọ, “Oklunọ etẹwutu wẹ Hiẹ do hun owéfo he hlan mi? Podọ kẹdẹdilẹ yẹn ko to mimọ do...

Dinvie, numimọ hele sọawúhia nugbonugbo matin huhlọn gbẹtọ tọn, sịgba Jiwheyewhe tọn wẹ. Bé mì mọdona? Yẹn sọ pón bo mọ aigba nẹ to lilépé to nukon sịe, yẹn sọ mọ ẹn di kasẹtipa de to aga. Yẹn sọ mọ dawẹ de he yè do avọ wéwé de na, whenuena ewhle ogbé aigba lọ tọn vọ wẹ, É sẹ jinukùn do to yiyi; godo Etọn wẹ dawẹ he dobu talala de, he dó avọ yĩ de, bo to jinukùn gbákija tọn vunvun pé. Yé omẹ awele sọ wújẹgbonu. Podọ whenuena yé wújẹgbonu, yé ma mọ osìn nù na yé tindo hudu jikun tọn wutu. Podọ dopodopo yeton lẹ sọ dẹ di mẹhe to dẹho hunkọ po ota yeton lẹ po didé do odò, bo to didọmọ, “Oklunọ È, do jikun hlan, do jikun hlan.” Whenenu wẹ aslọ dahọ de sọawúhia, bọ jikun sọ ja do yé omẹ awle ji. Whenuena e wà mọ vọ, olikún nẹ lọ zlọn bo dọmọ, “Mì pa Oklunọ! Mì

pa Oklunọ!” To tẹ̀ndodoponẹ̀ mẹ̀, jinukún gbàkija tọn lọsu sọ zlon ga, bo sọ dọmọ, “Mì pa Oklunọ! Mì pa Oklunọ!”

Podọ yẹ̀ dètana nùmimọ̀ lọ. Do ayi e go, jikun dopolọ wẹ̀ nọ ja do dódónọ̀ po mawádódónọ̀ po ji. Mọwẹ̀ Gbigbọ̀ dopolọ̀ sọ sọgan jẹdo opli de ji, bọ omẹ̀ lẹpo nasọ jaya to e mẹ: yèdọ do yenuwàtọ̀ lẹ po Yisenọ̀ lẹ po ji, podọ dọ yé omẹ̀ pọ̀ ji. Mọwẹ̀ nugbo. Şigba etẹwẹ̀ e yín? Yèdọ̀ mì na yón yé gbọn sinsẹn yeton lẹ mẹ. Bé mì mọ̀dona? Enẹ̀ wẹ̀ ali dopo he ji yẹ̀ sọgan yón yé gbọn.

Dinvie, whenuena mì mọ̀ enẹ̀, sọn zùnme, kavi jinukún ylankan lọ sọ do ede hia di dagbe lọ, bo sọ dọnsẹ̀pọ̀ dagbe lọ sọmọ̀ bọ eyín e sọgan wiwà nado klọ Omẹ̀ şinyanşinyan lẹ. Yẹn yise dọ, mí tin to whèta he yè dọ whenu na de, podọ whenuena yè na to yẹwhẹhó onú helẹ̀ tọn dọ dọ.

Dinvie, to afọ̀ eton kandenukun-dopotọ̀ (41) mẹ, yé omẹ̀ awelẹ̀ sọ dọnsẹ̀pọ̀ yédele, yèdọ̀ mọwẹ̀ kaka jẹ azán godo tọn lẹ mẹ, sọmọ̀ bọ É ma sọ tindo kànde ji de do agùn de go nado klan yé dovò, ehe yín Mẹtodisti de, kavi Baptisti de, kavi agùn Pẹntikọsti tọn de nado klán yé dovò gba. Na É dọmọ, “Ewọ̀ na do angẹli Etọn lẹ hlan nado klan yé dovò.” Do ayi e go, angẹli de ja nado hẹn kinklan lọ wá, bo na klan dagbe lọ dovòna ylankan lọ. Podọ mẹdepope matin he sọgan wàzón nẹ̀ lọ adavo Angẹli Oklunọ̀ lọ. Ewọ̀ lọ wẹ̀ Omẹ̀ dopo he na dóhia ehe yín dagbe kavi yinylan. Enẹwutu, Jiwheyẹwhe dọ Ewọ̀ na do angẹli Etọn lẹ hlan to ojilẹ̀ godo tọn lẹ mẹ. E ma yín dọ, É na do angẹli lẹ hlan odò to *ofi* gba, adavo hlan ojilẹ̀ godo tọn lẹ mẹ, bo na bẹplidopọ̀. Podọ míwle sọ yóńen dọ, ojilẹ̀ ojijẹ̀ tọn whenu wẹ̀ mí tin te. Dinvie, tùnme *angẹli* tọn wẹ̀ “wenzagùn.” Podọ mí sọ yóńen dọ, angẹli şinawe wẹ̀ tin na owhèta agùn şinawe lẹ tọn, yèdọ̀ gbọn owhèta agùn lẹpo tọn mẹ.

Do ayi mẹhe É dọ núdotò lọ yín go, podọ núhe likún lọ lọsu yín ga. Tintan tọn, núdotò lọ wẹ̀ Ewọ̀ Ovi Jiwheyẹwhe tọn, Mẹhe jenukọn bo do Okún Etọn. Podọ godo Etọn wẹ̀ kẹntọ̀ de sọawúhia, mẹhe yín legba bo do jinukún gbàkija tọn to godo he yè ko do Likún lọ vọ. Dinvie, hótton lẹ emi, enẹ̀ lọ jọ gbọn owhèta dopodopo mẹ sọn whenuena aihon ko tin. Mọwẹ̀. Sọn whẹwhẹwhenu, onú dopolọ̀ wẹ̀ sọawúhia.

Dinvie, É dọmọ, “Okún Jiwheyẹwhe tọn wẹ̀ Ohó Jiwheyẹwhe tọn.” Na Jesu dọ to fide dọ, “Ohó lọ wẹ̀ Okún de.” Podọ jinukún dopodopo dóna hẹn sinsẹn eton jẹgbonu. Podọ dinvie, eyín Yisenọ̀ he yín ovi Jiwheyẹwhe tọn lẹ, yèdọ̀ ovi Ahóludu tọn lẹ ko lẹzùn Jiunkún Jiwheyẹwhe tọn, bé whenenu yé na yín Ohó Jiwheyẹwhe tọn, yèdọ̀ Ohó Jiwheyẹwhe tọn he sọawúhia to owhèta he mẹ mí tin te, ehe wẹ̀ Jinukún pagbè tọn na owhèta

nẹ lọ. To whẹwhẹnu, Jiwheyẹwhe na Ohó Etọn, podọ whẹta dopodopo ko tindo Jinukún etọn, yèdọ ojẹ etọn po pagbè etọn lẹ po po.

Dinvie, whenuena Noa sọawúhia, podọ Jinukún Jiwheyẹwhe wẹ ewọ, yèdọ Ohó Jiwheyẹwhe tọn na owhẹta nẹ lọ.

Whenuena Mọse sọawúhia, ewọ ma sọgan sọawúhia po owẹn Noa tọn po gba, na enẹ lọ ma sọgan wàzọn, na ewọ wẹ Jinukún Jiwheyẹwhe tọn to ojẹ nẹ lọ mẹ.

Podọ whenuena Klisti sọawúhia, Ewọ ma sọgan wá po owhẹta Noa tọn kavi Mọse tọn po gba; na ojẹ Ewọ tọn wẹ yín dọ, na awfli de na mọhò bo nasọ ji Visunnu de, podọ Ewọ na yín Messia.

Dinvie, mí ko tónsọn owhẹta Lutẹ tọn po Wẹsle tọn po mẹ (ehe yín owhẹta Mẹtodisti tọn), gbọn owhẹta lẹpo mẹ, podọ owhẹta Pẹntikọsti tọn, podọ yè dopagbè Ohó lọ tọn de na owhẹta dopodopo. Podọ gbẹtọ owhẹta nẹ lọ tọn lẹ, he yè dó Ohó pagbè tọn nẹ lọ hia na lẹ, wẹ Jinukún owhẹta nẹ lọ tọn kẹdẹdi núhe Jesu dọ to ofi, dọ, “Ovi Ahọludu tọn lẹ wẹ yé.” Mọwẹ. Ovi Etọn he mẹ awúsọhiamẹ Gbigbo Wiwé tọn to azónwà te lẹ wẹ Jinukún Ahọludu tọn lẹ to owhẹta nẹ lọ mẹ.

Do ayi e go, ogbé ylankan lọ wẹ kẹntọ lọ, yèdọ Satani, mẹhe do jinukún gbàkija tọn lọ, ewọ wẹ mẹhe ji whẹgbledo onú ylankan wiwà nẹ lọ tọn jẹdo. Satani do jinukún etọn sọn whẹwhẹnu, whenuena Jiwheyẹwhe do ojijẹ gbẹtọ yínyín tọn hlan aigba ji. Nugbo, Adam yọnen dọ, oyọnen nugbo tọn nado mọdona dagbe po ylanylan po de tin, sọmọ bọ é ma wá oflin enẹ tọn mẹ.

Şigba mí mọ dọ, Jiwheyẹwhe na Ohó Etọn hlan ovi Etọn lẹ na Awọyinú yetọn. Enẹwutu, mí ma tindo Awọyinú devo de adavo Ohó Jiwheyẹwhe tọn. Enẹ lọ wẹ Awọyinú mítọn. Awhànfunnú de matin, kavi finọten de, kavi fiwhiwhla de matin, e matin to otò Alizona tọn kavi otò Kalifonia tọn mẹ, kavi fidevo de gba; na Awọyinú dopo gē wẹ mí tindo, podọ enẹ wẹ Ohó lọ. Podọ Ohó lọ sọ diọ zùn agbasalan bo nọ mí şenşen, Ehe yín Klisti Jesu, na Ewọ kẹdẹ wẹ Awọyinú mítọn. Ewọ mẹ wẹ whlengan mítọn te.

Ylando depope ma yín hihia dokọna yisenọ nugbo de gba. Bé mì mọdona enẹ? Na ewọ he yè dètónsọn Jiwheyẹwhe de, ma nọ wàylando, ewọ ma sọgan wàylando gba. Bé mì mọdona? Yè ma tlẹ hia ylando depope dokòně gba. Na Davidi dọmọ, “Donanọ wẹ dawẹ lọ, mẹhe Jiwheyẹwhe ma hia ylando dokọna.” Enẹwutu, eyín mì tin to Klisti mẹ, mì ma na tindo ojlo nado wàylando gba. “Sinsẹntọ he yè lẹwé, ma sọ tindo ojlo ylando tọn ba gba,” mì ma na tindo ojlo etọn gba. Dinvie, mì sọgan yín ylandonọ hlan aihon lọ; şigba hlan Jiwheyẹwhe, e ma yín mọ gba, na mì tin to Klisti mẹ



wutu. Nawẹ hiẹ na yín ylandonọ to whenuena hiẹ tin to Mẹhe ma tindo ylando mẹ do, bọ Jiwheyẹwhe nọ mọ Ewọ Mẹhe mẹ hiẹ tin te kẹdẹ?

Do ayi ojijẹ whenu go. To whẹwhẹnu, whenuena Jiwheyẹwhe do Jinukún Eton do aigba ji bo do E do ayiha ovi Eton lẹ tọn mẹ, yèdọ whẹndo Eton, nado hẹn Ohó nẹ lọ go, enẹ lọ kẹdẹ wẹ awoyinú yeton, to hinhen Ohó lọ go mẹ! Şigba kẹntọ lọ soawúhia bo gbà awoyinú lọ gbọn jinukún gbàkija tọn lọ dido dali, ehe jeagòdo Ohó Jiwheyẹwhe tọn. Eyín enẹ yín gbàkija to whẹwhẹnu, bé e gbésọ to mọ yín zonmi. Mèdepope he na gọ núdepope na Ohó Jiwheyẹwhe tọn, gbésọ to jinukún gbàkija tọn yín! Yẹn ma din na mọdona fidepope he e sọn wá, yín eyín sọn gbépipli de mẹ, kavi sọn pipli awhànfuntọ lẹ tọn mẹ, kavi sọn huhlọn otógán lẹ tọn mẹ, núdepope he tin jeagòdo Ohó Jiwheyẹwhe tọn, jinukún gbàkija tọn wẹ.

Whenuena gbẹtọ de fòntite bo do, dọmọ: yẹwhẹhódọtọ Wẹndagbe lọ tọn wẹ ewọ, bo sọ dọmọ, “azán nújawu tọn lẹ ko juwáyì,” jinukún gbàkija tọn wẹ enẹ lọ. Podọ whenuena gbẹtọ de sọ fòntite bo do, dọmọ, devizónwàtọ de wẹ ewọ, yèdọ meplóntọ agùn de tọn to fide, bọ ewọ ma sọ yise dọ dopolọ wẹ Jesu Klisti to ninòmẹ dopodopo mẹ (gbònvòna agbasalan lọ), yèdọ to osọ, egbé podọ mọwẹ kakadoi, jinukún gbàkija tọn sọ wẹ enẹ ga. Whenuena é dọmọ, “nújawu lẹ po owhèta apòsteli lẹ tọn po ko juwáyì,” jinukún gbàkija tọn wẹ. Podọ whenuena yé dọmọ, “Núde matin he yè nọ ylọ dọ azònhẹngbọ Wiwé gba,” jinukú gbàkija tọn wẹ. Mọwẹ aihon lẹpo sọ góna jinukún gbàkija tọn dó. E tónjẹgbonu bo finyon likún lọ.

Do ayi e go do, omẹ tintan he do jinukún gbàkija tọn po ohia po wẹ “lẹgba,” mí sọ yónen dọ, mọwẹ to Owé GENESIS 1 tọn mẹ. Dinvie, mí mọ to Owé MATIU 13 tọn mẹ to ofi dọ, Jesu gbésọ to alòdléndó jinukún gbàkija tọn depope he pannukọn Ohó Eton di “lẹgba.” Podọ to owhe fọtọn e lán fènne-kantọn-gbàntọn-nukun-dopotọ (1956) he mẹ, mèdepope he dó gbàkija, jeagòdo Oho Jiwheyẹwhe tọn he yè wlán lọ, kavi na tùnme whihwla de E, jinukún gbàkija tọn wẹ ewọ. Jiwheyẹwhe ma na doyeyigona omẹ lọ gba. É ma sọgan gba. Mọ É ma sọ sọgan yín şisaka dopọ po onú nẹ lẹpo po gba. É ma sọgan gbọn alọ depope mẹ gba. E taidi okún mutali tọn; e ma sọgan yín şisaka po onú devo de po gba, hiẹ ma sọgan şaka E po onú devo de po gba, na E dóna yín onú nugbo de. Gbònvò na enẹ, Jinukún gbàkija tọn wẹ!

Dinvie, mí mọdona dọ, whenuena Jiwheyẹwhe do Jinukún Eton to jipa Edeńi tọn mẹ, e dè Abẹli tọn jẹgbonu wá. Şigba whenuena Satani do jinukún eton gbàkija tọn, e dè Kaini tónjẹgbonu. Ode dè dódónọ tónjẹgbonu; awetọ dè mawádódónọ tónjẹgbonu. Na Evi dótó ohó gbàkija tọn he jeagódó Ohó Jiwheyẹwhe tọn wutu, podọ e sọ şẹ dó núyiwà ylando

ton ji sɔn whenɛnu, bo ko sɔ to wiwà ɛ. Podɔ mí ma sɔgan dè yé omɛ pó sɛ kaka jɛ whenuena angɛli lɛ na wá klán onú lɛ dovo, podɔ whenɛnu wɛ Jiwheyɛwhe na bɛ ovi Etɔn lɛ yì Ahɔludu mɛ, bɔ yè na fiɔ ogbé ylankan lɛ. Do ayi vɛngle awe neɛ go!

Eyín mí tindo whenu susu do ohóta he ji, mí na dɔ ohó vivɛ he tin to e mɛ, na mí nido yì nukɔn bo hodɛna awutunɔ lɛ to sɛju pɛvi he pò lɛ mɛ.

Do ayi e go, jinukún yetɔn lɛ whɛn dopɔ dilɛ Jiwheyɛwhe ko dɔ dó to ota wiatɔn (13) ohóta mítɔn whejai he tɔn tɔn to Owé Matiu tɔn lɔ mɛ, dɔ, “Mì gbɔ aweɛ ni whɛn dopɔ.” Dinvie, Kaini jɛgbonu yì aigba Nɔdi tɔn ji, bo mɔ asi na ede; podɔ godo he é ko hù Abɛli, Jiwheyɛwhe fɔn Sɛti tite nado yì tɛnmɛ etɔn. Mowɛ akɔta lɛ sɛ nukɔnyì to dagbe po oylan po mɛ. Dinvie, dayi e go dɔ, dopodopo yetɔn lɛ pli dopɔ to ojɛ ojɛ lɛ tɔn godo, podɔ gbɛtɔ sɔ ylankan sɔmɔ bɔ linɛn Jiwheyɛwhe tɔn sɔ diɔ.

Şigba to opòdo, yé omɛ aweɛ sɔawúhia, yèdɔ jinukún gbàkija tɔn lɔ po Jinukún Jiwheyɛwhe tɔn lɔ po, yé sɔ do yédeɛ hia titegbe, enɛ taidi Juda Iskaliɔti po Jesu Klisti po. Na Ewɔ wɛ Jinukún Jiwheyɛwhe tɔn, Ewɔ wɛ dòdó núdidá Jiwheyɛwhe tɔn tɔn, É ma yín núde gbɔnvona Jiwheyɛwhe gba. Podɔ yè ji Juda Iskaliɔti kɛdɛdi ovi vàsúdo tɔn, yèdɔ mɛhe tɔnsɔn lɔnzòdòmɛ wá bo sɔ lɛgòyì lɔnzòdòmɛ. Do ayi e go, Jesu Klisti wɛ Ovi Jiwheyɛwhe tɔn, yèdɔ Ohó Jiwheyɛwhe tɔn he sɔawúhia lɔ. Juda Iskaliɔti, to gbàkija etɔn mɛ, yín jinukún lɛgba tɔn, he sɔawúhia to aihɔn mɛ, podɔ nado klɔ omɛ; kɛdɛdilɛ Kaini otɔ etɔn ko wà dó to whéwhéwhenu.

Juda yín agùnbasitɔ poun wɛ. É ma yín nugbonɔ gba. Mɔ é ma sɔ tindo yise gba; enɛwutu wɛ é do dè Jesu hia. Na é do jinukún gbàkija tɔn. É lɛn dɔ ewɔ sɔgan yín hɔntɔn hɛ aihɔn, yèdɔ mamɔni bo sɔ yín hɔntɔn hɛ Jesu, şigba whenu ko fɛ do é nado lɛnvojo sɔn enɛ mɛ. Whenuena vivɔnu ojɛ tɔn lɔ wá, yèdɔ whenuena é ko wà oylan nɛ lɔ, wɛ é jɛ fie é ma sɔgan yìgodo yinukɔn te. Whenɛnu wɛ é gbɔ bo dèdo aliho he é ko dè dai lɔ ji, di mɛklɔtɔ de. Enɛwutu, é dó jinukún gbàkija tɔn, bo tɛnpɔn nado mɔ nukundagbe yì sɔn gbɛpipli azán nɛ lɔ tɔn lɛ tɔn gbè, po Falesi lɛ po, podɔ Sadusi lɛ. Podɔ é sɔ lɛn dɔ ewɔ na mɔ akuɛ de yì, nado yín mejɔmɛ to gbɛtɔ lɛ sɛnsɛn. Enɛ lɔ wɛ to gbɛtɔ susu hɛn biɔ gbàkija mɛ, yèdɔ nado mɔ nukundagbe yì to gbɛtɔ lɛ de! Mì gbɔ mí ni din nukundagbe sɔn Jiwheyɛwhe de, bo ma yín sɔn gbɛtɔ de gba. Na enɛ wɛ Juda wà to whenuena gbàkija biɔ ayiha etɔn mɛ.

Podɔ míwɛ yɔnɛn dɔ, Jesu wɛ Ohó lɔ, na Owé JOHANU 1 tɔn, dɔmɔ, “To whéwhéwhenu wɛ Ohó lɔ ko tin, Ohó lɔ ko tin po Jiwheyɛwhe po, Ohó lɔ wɛ Jiwheyɛwhe. Yè sɔ lɛ Ohó lɔ zùn agbasalan, É sɔ nò mí

şenşen.” Enẹwutu, Jinukún lọ wẹ Ohó lọ, podọ to whenenu Jinukún lọ lẹzùn agbasalan bo sọ nọ mí şenşen.

Eyín Juda yín okún meylánkan lọ tọn podọ jinukúngbakija tọn, he yí agbasa de dó bo wá nọ mí me to dawhe he yè ylo dọ Juda Iscaliṣti me. E lẹn dọ ewọ tindo yise, şigba ewọ ma tindo yise nugbo gba. Podọ yisenọ he ma yín yisenọ, enẹ wẹ yé nọ ylo dọ yé tindo yise.

Podọ yise nugbo Jiwheyewhe tọn nọ do yise to Jiwheyewhe me, podọ Jiwheyewhe wẹ Ohó lọ yè ma sogan zé onú de do gọ Ohó lọ gba, na Bible dọ hlan mí dọ, eyín meṣope na dè dogó onú hele Jiwheyewhe na dè azònylankan he yè wlán do owé he me do gọ hlan ẹn: eyín omẹdepepe na dè pò sọn ohó he tin to owé dọdai tọn he me, Jiwheyewhe na dè otẹn etọn sọn owé ogbẹ tọn me, sọn otò daho wiwé lọ me podọ sọn onú he yè wlán do onú hele me. OSOHIA 22:18,

To whẹwhẹwhenu, to bibenu Owé tintan Biblu me tọn tọn, Jiwheyewhe ko dọ hlan yé dọmọ, yé maha gbà dopo Ohó lẹ lọ tọn gba, “Ohó lẹ lọ lẹpo dóna yín ayipadó e go” yé dóna nọgbẹ gbọn Ohó lọ dali. Jesu, lọsu to şenşen Owé lọ tọn, wá to owheta Etọn me bo dọ, dọmọ, “Gbẹto ma sogan nọgbẹ gbọn akla dopo keḁe sin me gba, adavo gbọn ohó he tọn sọn onú Jiwheyewhe tọn me lẹ po dali.” Podọ yè ko dọ hlan mí dai to vivonu owheta Osohia tọn tọn me dọ, “Eyín meṣopepe na depò sọn Ohó he tin to Owé dọdai tọn he me, Jiwheyewhe na de otẹn etọn sọn Owé Ogbẹ tọn me.”

Enẹwutu onú dozínvlu de ma na tin, adavo nugbo lọ, yèdọ Ohó maşaka Jiwheyewhe tọn! Enẹ wẹ ovi sunnu Jiwheyeweh tọn lẹ, po ovi yonnu Jiwheyewhe tọn lẹpo po, mehe yè ma ji gbọn ojlo gbẹto de tọn dali, kavi gbọn alọ yì do alọ me dali, kavi gbọn baptẹmu alọpa de dali gba; şigba jiji do Gbigbo Jiwheyewhe tọn tọn me, gbọn Gbigbo Wiwé dali, podọ gbọn awúşhiamẹ Ohó lọ tọn dali to yé me. Enẹ wẹ Jinukún nugbo Jiwheyewhe tọn lọ!

Meylankan nọ biọ agùn me bo sọ nọ sinai, yèdọ zédai otànhóhó tọn lẹ, kavi onú mọhunkọ tọn lẹ. Şigba enẹ wẹ gbakija, enẹ wẹ yín onú he sã biọ Ohó Jiwheyewhe tọn Nugbo lọ me.

Podọ nawẹ mí sogan yonẹn do? Mí nọ dọ, dọmọ, “nugbo, be mì tindo jlọjẹ nado na tunmẹ Etọn? Lala, meḁahó! Gbẹto depope ma tindo huhlọn nado ná tunmẹ Ohó Jiwheyewhe tọn gba. É nọ dó pagbè etọn, bo sọ nọ hẹn wá şişẹ me, enẹ wẹ tunmẹ he tin to e me. Na whenuena É dó pagbè, É nọ hẹn Ẽn wá şişẹ me. Onú depope he jẹgọ do Ohó Jiwheyewhe tọn, jinukún gbakija tọn wẹ! Dandan!

Dinvie, kẹdẹdilẹ yẹn ko dọ dó dai, Juda ma tindo yise nugbo de gba. Na Ewọ tindo yise mẹhe nọ ylo yede lẹ dọ yisenọ lẹ tọn. E tindo yise bo nọ lẹn dọ Jesu wẹ Ovi Jiwheyewhe tọn, ẹgba É ma yọnen dọ Jesu lọ wẹ Ovi Jiwheyewhe tọn gba. Na eyín é ko yọnen wẹ, é ma na ko wà enẹ he é wà gba. Podọ gbẹtọ depope he na jẹgọ do Ohó Jiwheyewhe tọn dọ É ma yín nugbo gba, omẹ nẹ yín mẹhe yè hẹn zùn yisenọ tata de. Na devizònwàtọ Jiwheyewhe tọn nugbo dóna hẹn Ohó lọ go.

To whẹjai he wáyì delẹ mẹ, devizònwàtọ de, sọn otò alizọna tọn mẹ, sọn wéhọ dahò femọsi tọn mẹ to otò he mẹ, wá dẹ bo dọ hlan mi, dọmọ, “Yẹn jlo nado dó núhia we do onú de ji, enẹwutu whètenu wẹ hiẹ sọgan tindo vivo te?”

Yẹn sọ gblọn bo dọ hlan ẹn dọmọ, “Ehe wẹ jlojẹ he yẹn yọnen dọ yẹn tindo. Enẹwutu dọnsẹpọ mi dinvie”

Whenẹnu wẹ é dọnsẹpọ mi, bo dọ hlan mi, dọmọ, “Mẹdahó Branham, hiẹ to tintenpon... Yẹn yise dọ nugbonọ podọ mẹvivẹ de wẹ hiẹ, ẹgba hiẹ to tintenpon nado hẹn aihon lọ mọdona núplónmẹ aposteli lẹ tọn” bọ omẹ lọ sọ gblọn dọ, dọmọ, “Whẹta aposteli lẹ tọn ko wáyì po nuplónmẹ aposteli lẹ po.”

Yẹn sọ gblọn bo dọ hlan ẹn dọ, “Onú tintan he yẹn na kanbiọ we nọvisunnu ẹie, wẹ yín dọ, bé hiẹ yise dọ dọpọn kavi gbọdeme wẹ Ohó dopodopo Jiwheyewhe tọn?”

É sọ gblọn bo dọ, dọmọ “Mọwẹ, mọdahó, yẹn yọnen dọ nugbo wẹ.”

Yẹn sọ gblọn bo dọ hlan ẹn dọmọ, “Bé hiẹ sọgan dohia mi to Ówé Wiwé mẹ fie owhẹta aposteli lẹ tọn ko doalọte te? Na eyín hiẹ dohia mi dinvie, yẹn nasọ yise po hiẹ po.” Podọ yẹn sọ dọ hlan ẹn, dọmọ, mẹhe wlánwé aposteli lẹ tọn, yèdọ mẹhe tindo họnhungàn Ahóludu lọ tọn lẹ, podọ to azán Pentikọsti tọn gbè to whenuena owhẹta aposteli lẹ tọn yín didohia te, gbẹtọ lẹ lọ sọ dọmọ, “Mẹho mọmọsunnu, nawẹ mí na wà dó, nado yín whinwhlẹngan?” Pita sọ gblọn bo dọ hlan yé dọmọ, “Mì lẹnvọjọ, na yè ni sọ baptizi dopodopo mítọn lẹ to Oyín Jesu Klisti tọn mẹ na desẹ ylano tọn, mìwẹ nasọ mọ nina Gbigbo Wiwé tọn yí. Na opagbè he hlan mì wẹ, podọ hlan ovi mítọn lẹ, podọ hlan mẹhe tin to aganu lẹpo, podọ hlan omẹ sọha he Oklunọ Jiwheyewhe mítọn na ylo lẹ.” Dinvie, nawẹ Ohó lọ sọgan jẹgọdo É de dó?”

Dawe lọ sọ dọ, dọmọ, “avivọ to hùhù mi titegbe to ozán he mẹ.”

Yẹn sọ dọmọ, “Yẹn lọsu lẹn mọ ga.” Bé mì mọdona?

Dinvie, hiẹ sọgan dọ hlan mi, dọ, “Bé Jiwheyewhe gbésọ to mọylo wẹ?” Dinvie, eyín Jiwheyewhe gbésọ to mọylo, whenẹnu bé owhẹta aposteli lẹ

ton gbésò tin to ote. Mọwẹ nugbo! Podọ omẹ sọha he Jiwheyẹwhe míton na ylọ lẹ, yèdọ yé mẹhe É ko ylọ, podọ yé mẹhe É ja na wá ylọ to egbè lẹpo, enẹ wẹ omẹ sọha he É to yíylọ lẹ, na egbésò to owhèta aposteli lẹ ton yín wutu, na Jesu dopolọ wẹ to osò, egbé, podọ mọwẹ kakadoi.

Do ayi e go, mí mọdona egbé dọ, jinukún gbàkija ton he ko yín dido to owhèta lẹpo mẹ. Dinvie, eyín e boawu nado mọdona to sẹju ao kavi fọtòn mẹ, yẹn na hẹn mi nado wà enẹ, şigba mì ma sọgan gba. Susu to mí mẹ nọ hia Biblu. Podọ dinvie, kẹdẹdilé Jesu wá bo mọ jinukún gbàkija ton nẹ he jẹagòdo É. Ewọ wẹ Ohó he sọawúhia lọ, Ewọ lọ wẹ tadena Ohó Jiwheyẹwhe ton ton, na É dọmọ, “Mì to Owé Wiwé lẹ din pón, na mì len dọ, yé mẹ wẹ mì tindo Ogbẹ Madopòdo te, podọ yé wẹ mẹhe to kunnudèna Mi.” Enẹ lọ wẹ. Ewọ wẹ tadena Ohó lọ ton. Podọ visunnu po viyònnu dopodopo he yè vọji sọn Jiwheyẹwhe de to owhèta he mẹ, wẹ tadena Ohó lọ ton. Podọ mì to episteli he gbẹtọ lẹ to hihia de wlán. Mọwẹ.

Do ayi e go, na É dọmọ, “Yaya wẹ yé to gbégbona Mi, bo to Oplón gbàkija ton plónmẹ. Yaya wẹ yé to gbégbona Mi, bo to Oplón gbàkija ton plónmẹ, yèdọ oplón gbẹtọ ton he yín zédai gbẹtọ ton, to linlẹn mẹ dọ ehe wẹ Ohó Jiwheyẹwhe ton, to whenuena ehe ma tindo núde nado wà po Ohó Jiwheyẹwhe ton po.

Dinvie, whèta dopodopo dè onú mọtonhunkọ lẹ tonjẹgonu, yèdọ whèta dopodopo ko wà enẹ lọ, podọ dinvie, jale matin to ojłe míton mẹ gba. Mí tindo onú dopolọ, podọ whèta míwłe ton wẹ ehe klohú dọndopọ owhèta he pò lẹ ton, na ehe lọ wẹ opòdo otànhó aihon ton. Ehe lọ wẹ gbàkija daho he ma ko sọawúhia to aigba ji gbèdè, e sọ tin to aihon mẹ to egbé. Podọ to whèta he pò lẹpo mẹ, núyiwà gbàkija ton lẹ ko dè yé sọn Jiwheyẹwhe Nugbo podọ Ogbẹnọ lọ kọn do boşio lẹ de. To egbé, Jesu dọ to Owé MATIU 24:24 ton mẹ dọ, yé na di yédele sọmọ bọ eyín e sọgan yín wiwà, yèdọ nado klo Omẹ didè lẹ. Mí to hódọ do gbàkija ji! E nọ dọn omẹ titegbe. Dinvie, Satani tin to gbẹtọ lẹ mẹ, podọ núyónentọ aihon ton de kavi Dọtẹ yẹwhéhódọtọ de sọgan plónmẹ dọ Ohó lọ ko sọgbè. Na Jesu ko dọ wutu. Şigba mì payi é go dọ, fide tin to fiñe, É dọ, dọmọ “E yón, dinvie, ehe ma yín enẹton gba.” Mọwẹ nugbo, e dóna yín mọ, na Jiwheyẹwhe ko dọ e na yín mọ wutu.

Do ayi núhe e wà go! Gbàkija yeton dopolọ wẹ hẹn hòmẹgble Jiwheyẹwhe ton wá to azán Noa ton lẹ mẹ, to whenuena Jiwheyẹwhe do yẹwhégán Etọn hlan nado dọyẹwhéhó lọ taidi miyón he to jiji de, bo ylọ gbẹtọ do lenvojo kọn, yè sọ và gbàkija súdo gbọn osin dali. Etẹwẹ Satani wà to whenenu lo? É sọ sọawúhia to godo to Ham mẹ, bo sọ şẹ do jinukún lọ dopolọ ji. Mọwẹ nugbo.

Podò to enẹgodo wẹ Mọse sọawúhia, mẹhe yín yẹwhegán daho he hẹn ovi Israẹli tọn lẹ tọnjẹgbonu sọn zùngbo mẹ. Etẹwẹ jọ? Mọse mẹhe yín yẹwhegán Jiwheyẹwhe tọn daho, hẹn Nugbo blébu podò Ehe yè hẹn sẹ lọ wá ovi Israẹli de. Do ayi e go, Mọse ko pé Jiwheyẹwhe nugbonugbo. Mọwẹ Jiwheyẹwhe sọ dohia dọ, Ewlọsu ko pé Mọse dó. Dinvie, nawẹ yẹwhehọ neḽe he to godo finẹ, bo tindo sinsẹn yetọn lẹ, po owọn yetọn lẹ po, po núyiwà yetọn lẹ po, po onú devodevo he pò lẹ po po wàdo, sịgba Mọse sọawúhia di sịsẹ tadena Ohó lọ tọn. Mì wọnji enẹ lọ go blo! Na Mọwẹ wẹ tadena opagbè Jiwheyẹwhe tọn tọn te. Na é dọ é na wà ẹ; yèdọ ewọ wẹ tadena Jiwheyẹwhe tọn.

Etẹwẹ jọ? Na agùn lọ sẹ sọn gbonujeyì sọn Egypti mẹ, podò etẹwẹ jọ to aliho yetọn ji to azán pẹde neḽe mẹ? Satani sọawúhia po gbàkija etọn po to dawẹ de mẹ, yèdọ Kaini awetọ he yín Balami lọ, bo sọ dó gbàkija to gblagbla yetọn mẹ. Mí mọdona dọ nugbo wẹ. Podò núplónmẹ Balami tọn he yín, dọ, “omẹ dopolọ wẹ mí omẹ pọ, mí sọ to Jiwheyẹwhe dopolọ sẹn,” to pinpón mẹ, é dọhó dagbe, na é sánvọ he Jiwheyẹwhe nọ sán; yèdọ agbò sọnawe po gbogboẹ sọnawe po to agbà sọnawe ji, bo sọ hodẹ hlan Jiwheyẹwhe kẹdẹdilé Mọse wà dó to zùngbo mẹ, yèdọ onú dopolọ. Sịgba yé ma yín omẹ dopolọ gba! Na enẹ lọ yín oye núhe na jọ tọn. Podò Kaini sọ sọawúhia whladopo dogó to Balami mẹ. Podò to finẹ, Jiwheyẹwhe sọawúhia to Mọse mẹ, bo to tadena Ohó Etọn gbọn gbẹtọ de dali, bo hẹn Ede zùn yinyọnen po pagbè Etọn po to gbẹtọ de mẹ. To whenenu gbàkija sọ fòntite...

Mọdopolọ wẹ é wà dó to ojẹ Juda tọn mẹ, bo sọawúhia po gbàkija etọn po.

Do ayi e go dinvie, ylando he gbẹtọ neḽe dó yise na dọ, “omẹ dopolọ wẹ mí omẹ pọ, mí sọ to Jiwheyẹwhe dopolọ sẹn, na enẹtọn wutu, agùn dopolọ tọn wẹ mí dóna yín, bo na yín omẹ dopolọ,” yè ma joylando nẹ lọ na Israẹli gbèdẹ gba! Na Jesu Lọsu dọmọ, “Yé omẹ pọ wẹ kú!”

Yé omẹ pọ dọn, adavo omẹ atọn deḽe. Yéwle wẹ mẹhe sinyenlin bo sọ yí pagbè lọ sè. Whenuena mẹhe agbọpe lẹ dọmọ, Mí ma sọgan yí aigba lọ, podò e sọ klo húgan mí,” po onú he pò lẹpo po; Kalẹbu po Joşua po hògbèdonù na gbẹtọ lẹ, bo dọmọ, “Mì húgan yé nado tindo e, na Jiwheyẹwhe ko dopa etọn na mí wutu! Núde depope ma kàn mí do ninọmẹ yetọn lẹ go gba!

Podò mí sọ sọgan dọyẹwhehó azònhẹngbò Nugbo tọn, po baptem Gbigbo Wiwé tọn po, bo sọ tindo huhlọn Jiwheyẹwhe tọn nado klán mídeḽe dovo hlan onú aihọn tọn lẹ; na Jiwheyẹwhe wẹ dọ ẹ wutu! Podò owhèta

aposteli lẹ tọn ma ko dóalọte, mọ e ma sọ sọgan dóalọte gba, na e gbẹsọ to nukonyi.

Dinvie, mí sọ mọ gbàkijadóto hóhó dopolo. Podọ mí sọ do ayi e go do, yè ma joylando nẹ lọ gbèdè. Dinvie nọvisunnu, eyin yè ma joylando nẹ lọ to whenenu, etẹwe na yin dinvie tọn to whenuena jinukún nugbo owhèta lẹpo po tọn wá plidópó to kòndopó mẹ?

Mi do ayi onú daho he Balami wà nẹ lọ go, e gbẹsọ to nukonyi kakajẹ dinvie, podọ to vivonu e sọ sọawúhia to Juda Ikalioti po Jesu po sẹnşen. Etẹwe enẹ yin? Juda po Jesu po yin apájẹ Kaini po abẹli po tọn. Na dilé Juda yin sinsentọ dó, mọwẹ Kaini losu sọ yin sinsentọ dó. Kaini dó agbà de, bo sánvó, bo sẹn Jiwheyewhe, bo sọ yin vivenunọ to e mẹ kẹdédilé Abẹli wà dó. Şigba é ma tindo núdohia núhe Ohó lọ yin tọn gba. Na é len do, Adam po Evi po dù atinsinsẹn he yè nọ ylo apu kavi atinsinsẹn devo de. Podọ Abẹli, gbọn núdohiamẹ de dali, é mọdona do enẹ ma sọgbè gba; na ohùn wẹ dè yé tónjẹgonu wutu, enẹwutu, é yí lẹngbọvu de do sánvó. Podọ Jiwheyewhe sọ dèkunnu do avósinsán eton sọgbè. Whenenu wẹ Kaini yin awuw hannọ bo hù nọvisunnu eton. Podọ kẹdédilé Kaini hù nọvisunnu eton do, to agbà dopolo ji fie lẹngbọvu lọ kú te, mọdopolọ wẹ Juda Ikalioti losu dè Jesu Klisti jo dó to agbà Jiwheyewhe tọn ji do, bo sọ hù I kẹdédilé Kaini hù Abẹli dó. Na jinukún gbàkija tọn wẹ yin Kaini wutu.

Mọwẹ hlan Balami ga, yewhegán he yè ylo de, mẹhe jẹ nado mọdona núhe sọgbè. Podọ Jiwheyewhe nà ẹ avasè gbọn ohia lẹ po nujawu lẹ po dali, podọ osọ losu sọ dọhó to ogbè yoyó lẹ mẹ, sọgan é gbẹsọ to nukonyi to ninomẹ dopolo mẹ. Na yè ji i nado yin jinukún gbàkija tọn wutu.

Podọ eyin Jesu do ododai dogbọn owhèta he tọn dali do, e na wá opòdo to gbàkija daho he ma ko sọawúhia gbèdè de tọn dali, yèdo whèta Laodikea tọn he gblọ de, he yan Én tónson agùn lọ mẹ, nawẹ ehe sọgan yin núdevo de dó, adavo jinukùngbàkija tọn! Enẹ lọ wẹ nugbo lọ. Na e na dóalọte to whèta he lọ mẹ.

Podọ e nasọ yin Kaini po Abẹli po to Kalvali ji whladopo dogó.

Do ayi e go dinvie, whenuena Jesu yi Olon mẹ, whenenu wẹ yè dó Gbigbo Wiwé hlan. Enẹ lọ wẹ Jinukún dagbe lọ, yèdo Ogbenámẹto do Ohó lọ kọn, kẹdédilé mí do dó to osọ he wáyì. Omẹ dopo wẹ nọ ná ogbè Ohó lọ. Tùnmẹ *Ogbè* tọn wẹ yin “nado hẹn nude wà Ogbè.” Gbigbé Wiwé nugbo wẹ nọ hẹn Ogbè wá gbọn Ohó lọ mẹ. E ma nọ hẹn zédai Ogbè tọn wá gba, e ma tlẹ sọgan yin mọ lala. Na zédai ma yin núde. Na Ogbè Ohó

Jiwheyewhe tòn tòn wẹ Jiwheyewhe Lọsu. Podọ Ewọ wẹ na ná Ogbẹ Agbasa lọ.

Dinvie, do ayi e go kẹdẹdilẹ yé wà dó. Podọ Biblu sọ dọ, dọmọ, Johanu dọhó hlan yọpọ lẹ dọ, “Mì yọpọ lẹ emi, ojẹ godomẹ tòn wẹ: lé mì ko sè dọ agọjẹdo-Klistigotọ ja,” dọmọ, “yé ko tin to aihon lọ mẹ, bo sọ to azónwà to ovi toliwẹtọ tòn lẹ mẹ.” Dinvie, enẹ lọ jọ to owhè ogbàn godo to whenuena Gbigbọ Wiwé ko bẹ azón. Mí mọdona whenuena Gbigbọ Wiwé wà, yèdọ Jinukún nugbo lọ, podọ Ogbènátọ Jinukún nugbo lọ tòn tòn. Enẹ godo wẹ jinukún gbàkija tòn lọ sọawúhia, podọ mì do ayi e go, e gbésọ tọ mọ yín zonmi.

Ohó nugbo lọ ko yín hinhen sẹ, yewhegán Alènú Hóhó mẹ tòn lẹ hen sịsẹ Ohó Jiwheyewhe tòn tòn wá Nugbo mẹ kẹdẹdilẹ yé to nukonyi dó. Eyín mẹdepope hia opli he yè basi to Nisene kavi ehe jenukonna opli Nisene tòn, to azán fọtòn nẹlẹ mẹ, politiki yeton wẹ nado kọn ohùn dai to whenuena yé gbépipli Lomunu lẹ tòn wá nado basi agùn pipli sọn Agùn Nugbo lọ mẹ. Yewhegán lẹ sọawúhia to avọ lẹngbọyú tòn lẹ mẹ, bo sọ nọ dù ogbé lẹ, podọ yé sọ nọte na Ohó lẹ! Sígba etẹwẹ jọ? Na e dóna yín taidi Kaini, podọ di Abẹli, na dopo dóna kú nugbonugbo. Mọwẹ e jọ dó. Podọ Ohó lẹ ma sọ dóhuhlọn to gbẹtọ lẹ mẹ, bọ yé omẹ pó dè Ohó nugbo lọ jẹgbonu bo kẹlọyí zédai gbàkija tòn to agùn Katoliki tòn tintan mẹ. Whenenu wẹ yé sẹ papa dó ji, po bisọpu po, bo nọ dè ehe po enẹ po na Ẹn. Na yé dè túnmẹ nugbo he Pita ná lọ tónjẹgbonu, po Malia tòn po, po núhe pò lẹpo po dogbọn enẹtọn lọ dali, bo basi boşio lẹ, bo ma sọ wà núde, adavo húnwhẹ wiwà kosi lẹ tòn sọn Ehe yè ylọ dọ Agùn Yisenọ lẹ tòn mẹ. Etẹwẹ enẹ lọ yín? Yèdọ Jinukún gbàkija tòn! Enẹ lọ wẹ yè nọ ylọ dọ, pipli tintan he yè basi to aigba ji, yèdọ pipli agùn tòn de. Etẹwẹ enẹ lọ yín? Jinukún gbàkija tòn he yè sẹ didó ji, bo nọ gọ núde na, mọwẹ yè sọ nọ dè nugbo lọ jẹgbonu dó.

Dinvie, bé mẹnụ wẹ sè pọn to Biblu mẹ dọ, yè ni ma dù olan to Osẹjẹ azán eton atóntọ gbè blo? Podọ mẹnụ wẹ sè pọn to Biblu mẹ dogbọn osin húnhùn do omẹ go tòn dali, adavo dọ yè ni baptizi omẹ gbọn yinylọn do osin mẹ tòn dali? Podọ mẹnụ wẹ sọ sè pọn dogbọn onú heleş tòn dali, dọ, “Mí dogbè we Malia” kavi onú mọtonhunkọ? Mẹnụ wẹ sọ sè pọn dogbọn onú gbigble he madóta Plọtẹstannọ lẹ tòn nẹlẹ tòn dali? Bé ozẹn sọgan ylọ panu dọ glasi wẹ?. Nugbo wẹ, agọjijẹ pẹvide wẹ nọ hen onú lẹpo jẹagọ! Bé mẹnụ wẹ sè pọn dọ Jiwheyewhe wàzọn po agùnpipli de po? Dinvie, mì dóhia asiko dopo he mẹ agùn lẹ bẹ yédele plidopọ bo nọgbẹ te hia mi. Yé kú to nukunwhiwhe dopo mẹ, bo ma sọ sọgan fọn gbèdè ba! Do ayi e go, ojẹ ko wá na núde nido yí tẹnme, podọ ojẹ lọ ko sọ na



Jiwheyewhe nido dèdo nukon. Na jinukún nẹ lọ ko hù awuvivi Jiwheyewhe ton sọn gbẹtọ lẹ mẹ.

Onú dopolọ wẹ to jijọ to egbé. Na yé hù awuvivi sọn gbẹtọ lẹ mẹ to whenuena yé to didọ, dọmọ, “Mì pọn gbẹtọ lelenọ, he to yédele ylọ dọ męwíwé lẹ, agbatonọ wẹ yé.” Podọ, etẹwutu, wẹ yé do to mọdọ, na yé yín jinukúngbákija ton wutu! Mì lẹ pannukon Ohó lọ nado mọ núhe E yín, yèdọ eyín Jiwheyewhe to Ohó Etọn túnmẹ. Na Jiwheyewhe pego nado fọn ovi na Ablaham sọn zannu nẹlẹ mẹ. Nişẹ.

Do ayi e go, Ohó lọ yín hinhen şẹ titegbe gbọn Yisenọ he jenukon lẹ dali, podọ lé Jiwheyewhe whlẹn yé sọn onú lẹpo mẹ dó, podọ sọn azon ylankan lẹ mẹ dó, podọ lé yé tindo yewhegán lẹ dó, bo dogbè hunkohunko lẹ, bo ná túnmẹ ogbè hunkohunko lẹ, bo sọ ná owen he to ede dohia di nugbo to ojle lẹpo mẹ. Şigba to nukun yé męhe hen Ohó lọ şẹ lẹ ton mẹ, gbẹtọ lẹ lọ yan En ton jęgbonu, bo sọ dè agùn titò de hlan yede. Enẹ wẹ Onọ gbépipli lẹpo ton.

Dinvie, yé omẹ awele pó ko whẹn. Mowẹ yé sọ şẹ okún lẹ do ji whladopo dogó. E ko kú dai, şigba bo tónjęgbonu to azán Lutẹ ton lẹ mẹ, kẹdédilé mí mọdona dó sọn Owen tintan whenu núdùdù afonnu ton ton mẹ. E tónjęgbonu to azán Lutẹ ton mẹ. Etẹwẹ yé wà to dinvie? To afododoponeji, whenuena dawẹ huhlonnọ nẹ kú, wẹ yé basi gbépipli de.

Dinvie, e tónjęgbonu. Podọ ga, to azán Johanu Węsle ton lẹ mẹ, whenuena agùn Anglikannu lẹ po po whiwhlaten yeton kakadoi ton po, podọ onú lẹpo yín kinkòndopó to oten dopolọ mẹ to fie e jẹ dọ, e ni gbàpé biọ aihon lẹpo mẹ te, etẹwẹ jọ lo? Jiwheyewhe zé dawẹ he yè nọ ylọ Johanu Węsle tite, bo dólọtena onú lẹpo. Podọ etẹwẹ ewọ męhe ylọ dọ Asbuli po, po męhe pò lẹ po wà to whenuena Johanu Węsle kú? Yé bé yédele plidopó, podọ enẹwutu wẹ mí do tindo agùn Mętòdist ton alopālọpa lẹ to egbé. Podọ to enęgodo, eyín męde wá, mędevo sọ nọ wá ga, kaka jẹ Alęsanda Kanbẹl, po Johanu Smiti po, podọ etẹwẹ mí nasọ dọ?

To opòdo, agùn Pęntikọsti ton tónjęgbonu sọn yé omẹ pó mẹ. Etẹwẹ jọ to whenenu? Yé dèdo nukon titegbe, dinvie etẹwẹ glónalina mì? Na mì gọyì biọ abábá miton he mẹ mì tónson, yèdọ biọ diho dopolọ mẹ he yín gbákija, nado basi gbépipli lẹ, podọ domọ mì jęagòdo Ohó lọ. Podọ wheleponu wẹ Jiwheyewhe nọ do onú yóyó hlan mì, bọ mì ma sọ nọ kęaloyí gba. Mowẹ nugbo! Gbákija devo! DO ayi e go, whenuena yen dọ to azán de gbè wáyì, núdùnù pẹvi nẹ he tónjęgbonu sọn adó he mẹ, bo biọ amà lẹ mẹ kaka jẹ apà lẹ mẹ, bo sọ lèdo atin lọ go whẹpo e do tónjęgbonu. Dinvie, onú pẹvi he nọ hù likún nẹ nọ taidi likún lọ, bọ mí sọ len dọ

mọwẹ e yín, ẹgba whenuena mì hùn in do nùvo, likún depope ma tẹ tin to finẹ. Na ewọ yín alogotọ de poun na likún lọ, bo nọ kú ga, podọ ogbẹ lọ nọ tọnjẹgbonu bo sọ nọ gò biọ likún lọ mẹ. Do ayi e go, mọwẹ yé nọ ylo agùn lẹ do ...

Dinvie, mí mọ to egbé dọ, ehe yè nọ ylo dọ agùn lẹ lọ, yèdọ hlan Pẹntikọstinọ lẹ, mí tọnjẹgbonu yì, podọ yè ma sọ sọgan hẹn hòmẹ hùn mí, enẹwutu mí na basi gbépipli lẹ na míde. Do ayi e go, onú lẹpo sọawúhia, mí dóna tindo ehe, mọ mí sọ dóna tindo enẹ, mí dóna tindo awhànpa devo. Podọ dawẹ dẹpẹmẹ de fọntite bo dọmọ, “É ja to aslọ wéwé de ji.” Omẹ devo sọ dọmọ, “Lala, adavo to osọ wéwé de ji.” E yọn, dinvie, mí na basi awhànpa awe. Mì mọdona, etẹwẹ? Gbàkija dido wẹ! Na whenuena É na wá, núdepope he É yín, É na dètana Ohó Ede titi tọn to whenuena É wá. Dinvie, mì gbọ mí ni nọte kaka ojẹ lọ nado wá! Podọ to enẹ didọ mẹ, mì ma tẹ mọdona Owẹn ojẹ lọ tọn gba. Mì sọ to alọdlendó núhe Jiwheyẹwhe na wà, kavi ehe É ko wà, bo sọ gbékọ sọn núhe É to wiwà dinvie go. Mọwẹ mí nọ dó gbàkija lẹ dó e mẹ do.

Do ayi e go, mí mọdona dọ agùn mítọn egbé tọn lẹpo ko biọ jẹhọn wuwlu lọ mẹ, bo sọ to jẹhọn ahizinọ gbèn. Enẹwutu, mí ma tindo pipli mẹ odẹ tọn de, mọ mí ma sọ tindo sinsẹn he yè nọ basi lẹ dai ba gba. Etẹwẹ jọ? Na mí dóalọtena huhlọn he tin to onú lẹpo ji wutu. Yèdọ ga, to agùn Pẹntikọsti mítọn lẹ mẹ, yọnnu he to odà-dọn lẹ lọsu to e mẹ biọ. Núhe yé ma yigbèna dai. Mọ yé nọ to osẹnsá do nukun mẹ, bo nọ to ofẹn he yè nọ sá osẹndo lẹ dó, po onú mọtonhunkọ lẹpo po; bo nọ dè sunnu de to finẹ hlan yédele taidi Likisi po onú mọtonhunkọ lẹpo po; yèdọ mẹhe dà asú whlåtọn kavi whla ẹnẹ hunkọ, podọ diakọni lẹ ga; ojé, gbàkija tẹwẹ ehe! Mawẹ wẹ! Nawẹ yé nọ basi i dó? Do ayi e go, Jiwheyẹwhe ma sọgan tindo enẹ to Agùn Etọn mẹ gba, enẹwutu, yé dóna yì biọ agùn pipli de mẹ nado wà enẹ. Mèdele to búdi nado dọhó dogbọn enẹ lọ tọn dali, na yé yọnẹn dọ yé na dè yetọn jẹgbonu sọn gbépipli lọ mẹ wutu. Enẹwutu, Jiwheyẹwhe ná mí gbẹtọ he ma tindo kànşısa hẹ onú devo de, adavo Ohó Etọn he yín Nugbo he gbọn Ewọ tọn dali. Enẹ lọ wẹ onú titegbe he mí jlo lọ. Etẹwẹ mì wà lo? Mì dó gbàkija. Na mì ko do jẹhọn wuwlu de, bo sọ to jẹhọn ahizinọ gbèn.

Do ayi e go, dọ, yé bẹ yédele plidopọ na yè nido fiọ yé. Bé mì mọdona dọ, Jesu dọmọ, “Mì bẹ ogbẹ ylankan pli whẹ, mì bla yé do kọnùkọnù dọpọ, Yẹn nasọ fiọ yé.” Biblado kọnù pẹvi he yè nọ ylo dọ, agùn Mẹtodist tọn, po agùn Baptist tọn po, po agùn Plesbitelian tọn po, po agùn Lutẹ tọn po, na yé omẹ pó bẹ yédele plidopọ do Gbépipli Agùn Aihọn tọn lẹ tọn mẹ. Etẹwẹ enẹ? “Mì bẹ yé pli whẹ!” Alleluya! Bé mì mọdona dọ, É bẹ ogbẹ

ylankan lẹ pli do apádopo sọn likún lọ mẹ whé, “Mì bẹ yé plidopó, bo yí miyọn do fiọ yé.” Na yé omẹ pó dóna yín fifiọ gbọn whèdida Jiwheyewhe tọn dali, na yé dó gbàkija dó gbẹtọ lẹ mẹ wutu. Mẹhe tindo jijo he taidi jijo-di-Jiwheyewhe tọn, bo mó Huhlọn Etọn, po Ohó Etọn po, nado tẹdo núyiwà sinsẹnọ lẹ tọn go, yèdọ zédai he mède ko sisẹ do Ohó Jiwheyewhe tọn mẹ, e ma sọgan wàzọn gba, na gbàkija wẹ wutu.

Dinvie, yẹn to awhádo to egbé, dilé yewhegán daho Amọsi wà dó to gbèngbè, to whenuena é biọ otò daho lọ mẹ, bo to didomọ, “Yẹn ma yín yewhegán de kavi ovi yewhegán de tọn gba. Şigba eyín kinnikinni li, mẹnụ wẹ ma na sinú?” É sọ domọ, “Whenuena Jiwheyewhe dọhó, mẹnụ wẹ ma na dọdọdai?” É dọdọdai whèdida tọn do whẹndo nẹ ji, domọ, “Jiwheyewhe Mẹhe mì dọ, mì to sinsẹn na và mì súdo.”

Mì yí ehe do kasẹti ji, na mì nido flin. Jiwheyewhe he ... Dinvie, yé gbẹtọ he to pipli jije Gbèpipli Agùn Aihọn tọn lẹ tọn hele bẹ pli, bọ to didọ hlan gbẹtọ lẹ dọ, “mì dóna biọ e mẹ”. Na mì ma sọgan nọ gbonu etọn gba. Eyín hiẹ kẹde ma sọgan tónsọn e mẹ na de we, bé to whenenu hiẹ dóna gọ biọ e mẹ. Mède matin he sọgan jẹagọdo yé gba. Na e na yín ohia kanlin lọ tọn, sọmọ bọ mède ma sọgan hò kavi sà núdepope gba, adavo é tindo ohia lọ, kavi tindo gbàkija. Dinvie, mì nọ ola! Mì jẹgbonu sọn yé mẹ! Mì tónsọn e mẹ! Mì jẹagọ sọn e mẹ! Na Jiwheyewhe he yé dọ yé to sinsẹn na và yé súdo. Na Wanyin daho Jiwheyewhe tọn he ma ...

Yé nọ dọ, domọ, “Mọwẹ e yín, na Jesu ko dọ, domọ, na mí omẹ pó ni yín dopo.”

É domọ, “Bé mẹawe na zinzọnlin to opọ, adavo yé ha?” É dọhó dogbọn, “Dopoyinyín” tọn dali, kẹdèdilé Ewọ po Otọ Etọn po yín dopo dó. Podọ Otọ lọ wẹ Ohó lọ, Ewọ sọ wẹ Ohó he sọawúhia lọ. Ewọ yín “Dopo” po Otó lọ po, na Ewọ wẹ awúsọhia Ohó pagbè Jiwheyewhe tọn tọn. Podọ mọwẹ e sọ te to egbé, kavi to whedepopenu, mọwẹ, mọwẹ. Dopo wẹ Jiwheyewhe. Enẹwutu, É jlo dọ míwłosu ni yín dopo.

Nawẹ ehe sọgan yín dopo dó? Na *ehe* lọ gbékọ jiji gbèjiniọ tọn go, podọ *ehe* sọ gbékọ azọnhengbọ wiwé go, po *ehe* po kavi *enẹ*, yé omẹ pó tin to wuwlu mọtonhunkọ de mẹ? Podọ mèdele to yé mẹ he ma tlẹ yí Jiwheyewhe sè, bo ma yise dọ, Ewọ ko yín Ovi Jiwheyewhe tọn; bo yise dọ, Ewọ ko yín ovi Josefú tọn, *he yè nọ ylọ* Ovi Jiwheyewhe tọn. Nugbo. Nọvisunnu he yín ahohovi to agùn Lutẹ tọn mẹ, yèdọ Zinglis yise dọ, gbẹtọ dagbe de wẹ Ewọ. Podọ Núyọnẹn Agùn tọn dọ, dọ, yewhegán de wẹ Ewọ, di gbẹtọ poun de, É ma yín Omẹ Wiwé gba. Etẹwutu? Podọ eyín, É ma yín Omẹ Wiwé, bé Ewọ wẹ mẹklọtọ daho he aihọn lọ tindo. Ewọ sọgan yín Jiwheyewhe kavi É ma yín nude gba. Şigba Omẹ Wiwé wẹ Ewọ!

Yèdọ Yẹwhe de, Ewłosu wẹ diọ zùn agbasalan bo nọ mí ẹnẹn, to Ovi Jiwheyẹwhe ẹn ẹn me. Nugbo, enẹ wẹ núhe É ko yín.

Dinvie mí mọ jinukún gbakija ẹn lọ sọawúhia, bọ mí sọ yọnen dọ e to ofi, međe ma sọgan gbẹ gba. Do ayi e go, Ewọ lọ wẹ na và yé međe to didọ, dọmọ: yé jlo nado sẹn Jiwheyẹwhe lẹ súdo.

Do ayi e go, Jiwheyẹwhe do jinukún Eton. Yẹn to na dọalọte, na whenu ko sọ na ohùkàn odẹ ẹn wutu. Jiwheyẹwhe ko do okún Eton, podọ okún Eton wẹ Klisti. Yẹn jlo na dọhó dọ enẹ ji na whenu pẹvide, fihe Jiwheyẹwhe mágbè nado zé Oyín Eton do, eyín Oklunọ jlo e sọgan yín to nùdùdù whenu kavi to whenuena mí tindo gbojẹ pẹvide. Mì pọn, Ewọ wẹ ali dopo gẹ whlẹngan ẹn lọ. Ewọ wẹ alihiamẹto nugbo lọ. Ewọ wẹ Jiwheyẹwhe nugbo dopo gẹ lọ, međevo de matin to adà Eton me. “Yẹn wẹ Jiwheyẹwhe, podọ Yẹn sókẹde” Jesu dọ, dọmọ, “Ehe wẹ osẹndoayi lọ: Israẹli É, sè, Oklunọ lọ Jiwheyẹwhe míton Oklunọ dopo wẹ, dopo gẹ. Yẹn wẹ Ewọ lọ. Etẹwutu wẹ hiẹ to yẹwhe devo de din? Devo na wá... Şigba Yẹn wá to Oyín Otọ sie ẹn me bọ mì ma yí mì sè. Şigba omẹ devo nọ wá to oyín eton titi me mì nọ yí sè.” Podọ enẹ wẹ onú he yé và to opli Nisia ẹn tó.

“Bé Chistiẹni wẹ hiẹ?”

“Baptisi wẹ yẹn”

“Bé Chistiẹni wẹ hiẹ?”

“Penticosti wẹ yẹn”

“Bé Chistiẹni wẹ hiẹ?”

“Mẹtodiste wẹ yẹn”, podọ oyín devo.

Şigba whenuena e wá jẹ Oyín “JESU KLISTI” ẹn nẹ lọ ji, yé nọ jẹla na Ẹn kẹdẹdilé yé sọgan dọ, yé ma sọ jlo onú de na và po Oyín nẹ po gba, na Ewọ wẹ Ohó lọ, Ohó he nọ dọ Ede. Do a yi e go, Ewọ wẹ whlẹngan ẹn dopo lọ! Ewọ wẹ atindido whanpenọ lọ, Biblu wẹ dọ Ẹ. Ewọ wẹ Ohóta lẹpo (to Biblu me) he yín Jiwheyẹwhe ẹn, he tin hlan Jesu Klisti. Ewọ wẹ Alfa, Omẹga, Bibẹnu podọ vivọnu; Ewọ međe ko tin, bo sọ tin, bo sọ gọja; Ewọ wẹ adọ Davidi ẹn podọ Ovisunnu Davidi ẹn, hinhon sisẹ lọ podọ sunwẹvu afọnnu ẹn lọ, Ewọ wẹ atindido whanpenọ lọ; podọ atin whanpenọ zungbomẹ ẹn; Alfa, Omẹga, Otọ, Ovi, Gbigbọ Wiwé, popolẹpo to Jesu Klisti me! Ewọ wẹ gigọfla awúşhiamẹ Jihova Jiwheyẹwhe he lẹzun agbasalan bo wá nọ mí ẹnẹn ẹn ẹn. Mọwẹ E yín.

Ewọ lọ wẹ Amà Whànpẹnọ dido lọ. Etẹwẹ yé wà do Amà Whànpẹnọ lọ go? Yé fiyón Ẹn jẹgbonu bo sọ gbidi I nado dè núwhẹnwán lọ jẹgbonu sọn E mẹ. Enẹwutu, yé dóna fiyón amà whànpẹnọ de nado dè núwhẹnwán lọ jẹgbonu sọn amà lọ mẹ. Enẹ lọ wẹ Ogbẹ whànpẹnọ de, na ogbẹ depope ma ko tin he ko yín zinzán taidi I gba, enẹwutu wẹ yé dóna fiyón Ẹn jẹgbonu to Kalvali.

Bé mì mọdona? na yé yí amìsísá Amà Whànpẹnọ lọ tọn bo kọn ẹn do ota Aalọn tọn jì, na yé dóna sámina ẹn nado yì nukọn Oklunọ tọn to otẹn wiwé lọ mẹ, to nukunmẹṣiọnnú wiwé lọ mẹ. Enẹwutu, é dóna yín mẹhe yé sámina po Amà Whànpẹnọ lọ po, nado yì finẹ bo húnhún ohùn do aisintẹn lẹblanu tọn lọ jì to whèmẹ-whèmẹ. Na e to dandan mẹ dọ, amìsísá lọ dóna tin to ota etọn, yèdọ owán vivi dagbedagbe de hlan Oklunọ lọ, nado hẹn ohùn lẹngbọvu lọ tọn jẹnukọn etọn, godọ he é ko sá ohùn lẹngbọvu lọ tọn do ede go. Podọ Pomeglanate po ogàn he nọ dọnú lẹ po lilédo tewugã etọn, na é dóna deàfọ yì nukọn, bo hodẹ dọmọ, “wiwé, wiwé, wiwé wẹ hlan Oklunọ.”

Do ayi e go, Ewọ wẹ Amà Whànpẹnọ lọ, yèdọ Owán vivi dagbedagbe he yín Amìsísá lọ to omẹ Etọn lẹ jì. Na mì ma sọgan wá nukọn Etọn po zédai depope po, kavi po onú devo de po gba, adavo mẹhe yé sámina po Amà Whànpẹnọ he yín Ohó lọ po. Ewọ sọ wẹ Atindido Zùngbo mẹ tọn.

Dinvie, nawẹ mì nọ basi bo do nọ mọ amàsinkún? Na mì nọ fiyón amà lọ jẹgbonu nado mọ amàsinkún lọ yí sọn e mẹ. Na azọnwé dọtẹ lẹ tọn, yé nọ zán amàsinkún lọ. Dinvie, mì zé dawẹ he to búdi bọ onú ṣikona de, kavi yonnu de he mọ dọ ayiha etọn to na fẹ, bo to zọnlizin to aigba jì po awhá po, yèdọ mẹhe ma mọdona núhe to wiwà ẹ, whenẹnu wẹ dọtẹ de na yí amàsinkún pẹvi nẹ lọ, bo na sisédo awà etọn mẹ kavi do okàn etọn mẹ to ofi de, nado dóalọtena núhe to wiwà ẹ lọ. Whenẹnu wẹ yé omẹ pó na dóalọtena ojẹ de. Ṣigba whenuena huhlọn amàsinkún lọ tọn vọ, whenẹnu wẹ azọn neṣe nasọ sọawúhia bo nasọ ylan hú nukọn tọn.

Ṣigba hontọn lẹ emi, yẹn na dọ hlan mì, dọ, enẹ wẹ yín apajẹ Amàsinkún he yé dè sọn Atindido Zùngbo mẹ tọn he yẹn yọnen lọ mẹ. Yèdọ Ewọ lọ wẹ Atindido Zùngbo mẹ tọn lọ. Na yé finyón Ẹn jẹgbonu to Kalvali. Mọ yé sọ húnú I na osẹnmejẹ mítọn wutu, na gbọn obápa Etọn mẹ wẹ yé hẹnazọn mítọn lẹ gbọ. Domọ, finfinyón jẹgbonu sọn amà nẹ lọ mẹ, wẹ yín dọ, Ewọ wẹ Amà de. Na Ewọ wẹ Amà daho he yìagà, yèdọ Atindido Zùngbo mẹ tọn he yín Amà daho Whànpẹnọ lọ. Dinvie, É tin to ofi to whẹjai he, yèdọ to gblagbla Olọn po aigba po tọn mẹ, yẹn yise dọ lé É te to whenẹnu, mọwẹ É te to dinvie nado bé ylando aihọn tọn yì bo hẹn

azònhengbọ wá aihọn mẹ. Podọ Biblu dọmọ, Ewọ dopolọ wẹ to osò, egbé, mọwẹ podọ kakadoi.

Hòntọn emi, whenuena Jiwheyẹwhe dọ hlan Mọse to zùngbo mẹ dọ, ewọ ni zé odàn gànvēnọ lọ dagà, yèdọ ehe yín apajẹ Ewłosu tọn. Podọ ogànvē lọ nọte na whèdida ylando tọn, *odàn gànvēnọ* nọte na “ylando he yè ko dawhèna dai.” Kẹdẹdilẹ *ogànvē* yín “whèdida Yẹwhe de tọn” dó, mọkẹdẹ wẹ agbà gànvē tọn he ji yè nọ tẹ avọ do. Mọwẹ Elija sọ zìn nukun dagà bo dọ, dọ, aslọ taidi gànvē, dọ whèdida Jiwheyẹwhe tọn tin to akọta mayisenọ he gò do godo sọn Jiwheyẹwhe de lẹ ji. Podọ ogànvē nọte na owhèdida, yèdọ whèdida Jiwheyẹwhe tọn. Podọ odàn lọ nọte na ylando he yè ko dáwhèna dai; podọ Jesu wẹ odàn gànvēnọ he diọ zùn ylando na mí, bo bẹ whèdida Jiwheyẹwhe tọn lẹ do Ede ji. Enẹwutu, yè húnú I na ylando mítọn, yè sọ gbleawunẹ na ylankan mítọn, hihó jìjọho mítọn tọn tin to É ji, podọ gbọn obápa Etọn dali, yè hẹnazọn mítọn lẹ gbò.

Ojé, Jiwheyẹwhe tindo azònhé Etọn he góna Amàsinkún na mì to whèjai he. Hòntọn yisenọ lẹ emi, dinvie mì to azònjẹ bo sọ tin to tukla mẹ. Ojé, mọ mì sọ tin to madógan mẹ dó, bọ onú lẹpo sọ sinenawuna mì. Podọ mì ma sọ sọgan dóakónna ba, mì ma sọ tin to mì deleşẹ mẹ ba to azán he mẹ mí tin te to dinvie.

Do ayi e go, bé mì mọ *Ohùkàn Ogbẹ tọn* to whèjai he, dọ, ehe yè dọ, dọ, otò Hlusi tọn dọ, to owhe fọtọn fẹnẹ e lán kantọn-gbàntọntọ (1955) mẹ, dọ, yé na “pàşẹ do aihọn lẹpo ji dandan”? Podọ whẹpo enẹ nado jọ, Bèyilọnmẹ na ko wá. Enẹwutu, bé nawẹ e dọnsẹpo dó hòntọn lẹ emi? E ko tin sẹpọ ofi dinvie to alọnu-alọnu.

Bé mì ma din In to whèjai he po ayiha mítọn lẹ po? Na Ewọ wẹ Atindido Zùngbo mẹ tọn lọ, podọ Ewọ lọ wẹ dopolọ to osò, egbé, podọ mọwẹ kakadoi. Dinvie, É tin to ofi to whèjai he nado zé Ede dagà to omẹ Etọn lẹ şenşen, kẹdẹdilẹ Mọse zé ohia ylando tọn he yín whèdida lọ dagà dó. Podọ e ma sọ yín ylando kẹdẹ gba, şigba awutu lọsu ga. Do ayi e go, Jesu dọ, dọmọ, “Dilé Mọse zé odàn do agà to zùngbo mẹ, mọkẹdẹ wẹ yè ma sọgan nọ ma zé Ovi gbẹtọ tọn dagà.” Etẹwutu wẹ Mọse do zé e dagà? Na ylando, po mayise po, podọ na awutu tọn wutu. Mọkẹdẹ wẹ yè sọ zé Jesu dagà dó, na ylando, po awutu po, podọ na mayise tọn wutu. Yèdọ onú dopolọ wẹ Ewọ.

Dinvie to whèjayi he, to azán lẹ mẹ whenuena mí tindo jinukún gbakija tọn, Jesu Klisti dopagbè to Owé Luku tọn mẹ dọ, to azán... etọn lẹ mẹ, jenukọnna Wiwà Oklunọ tọn, e na taidi lé e te to azán Sọdọmi lẹ tọn mẹ do, to whenuena Ovi gbẹtọ tọn na do Ede hia, kẹdẹdilẹ Ovi gbẹtọ tọn do Ede hia hlan Ablaham dó; yèdọ Elohim, Jiwheyẹwhe, he lẹzùn agbasalan

to gbẹtọ lẹ ẹnẹn, bo nọ fiñẹ hẹ Ablaham bo donuhia ẹ, bo sọ dọ núhe Sala to linlẹn to gohọ mẹ, he É ma ko mọ pọn. Bo dọ hlan Salai...bo sọ yọ oyín etọn dọ “Sala.” “Na Ablaham tọn É dọ, dọmọ” yè ma to oyín towe yọ dọ, Ablam ba gba ẹgba Ablaham. E ma yín Salai ba gba, ẹgba Sala, “Fie wẹ asi towe Sala te?”

É sọ dọmọ, “É tin to gohọ lọ mẹ to godo Towe.”

Ewọ sọ dọmọ, “Yẹn nasọ lẹgòwá kẹdẹdi asiko egbé tọn.” Podọ ewọ sọ konú. É sọ dọ hlan ẹn dọmọ, “Etẹwutu wẹ hiẹ konú?”

94. Dinvie, Jesu dọ, dọmọ, “Jẹnukonna bibladopọ jinukún gbàkija dahọ lọ tọn nado yí miyọn do mẹn ẹn, wẹ Ovi gbẹtọ tọn na dó Ede hia kẹdẹdilẹ E wà dó to whenenu.” Etẹwẹ ehe? Enẹ to didohia gbaungba to nukọn towe dọ, Jesu Klisti dopolọ to osọ, egbé podọ mọwẹ kakadoi. Bé hiẹ yí i sè? Dinvie, mì gbọ na mí ni dẹ ota mítọn lẹ do odò na odẹ.

Mẹyivẹ Jiwheyewhe È, mí yinwanna We. Podọ Oklunọ È, Ohó Towe wẹ Núdùdù mítọn he gọfla. Enẹwutu, mí yinwanna Ẹn! Na mí tin togbẹ gbọn Ohó lọ dali, Oklunọ. Eyín didohia dọ, huhlọn mítọn ma pégo gba. Oklunọ È, na mí yinwanna nado sinai to tafo Towe kọn, yèdọ lẹdo Ohó Towe pé, bo yín hòmẹhunno na dona lẹ tọn, podọ whenuena mí sọawúhia dólé,yèdọ di nọvisunnu po nọviyọnnu he yè ko yí Ohùn lọ do fligò gbọn Ovi Jiwheyewhe tọn dali, podọ ehe yín fligòkuẹ ohùn mítọn tọn. Dinvie, Oklunọ È, mí sọawúhia to ofi to whẹjai he, na mí ko dè whẹjai he lọ nado hodẹna awutunọ lẹ. Podọ kẹdẹdi Owé Wiwé lẹ, Hiẹ dọmọ, “gbọn obápa towe dali, yè hẹnazọn mítọn gbọ.” Ojé, azán whlẹngan tọn tẹwẹ ehe! Podọ pagbẹ tẹwẹ ehe yè do gbọn Emmanuel dali! Enẹ lọ wẹ Nugbo titegbe lọ.

Do ayi e go, Hiẹ dọmọ, “Whenu vude, aihọn ma na mọ Mi ba, ẹgba miwẹ na mọ Mi, na Yẹn (na Dẹ)”, “Yẹn na tin po mì po, podọ to mì mẹ, yèdọ jẹ opòdo aihọn tọn.” Podọ to opòdo ojẹ lọ tọn, whẹpo vàsудо dahọ he hó Hiẹ dọ nado sọawúhia, e na taidi dọ whẹpo miyọn nado jẹdo Sọdọmi ji bo fiọ aihọn Kosi lẹ tọn, whenenu wẹ núdohiamẹ Ovi gbẹtọ tọn tọn nasọ sọawúhia dilẹ e jọ dó to Sọdọmi whenu Enẹwutu, Otó È, A dike gbẹtọ lẹ gbọagbá etọn blo.

Podọ Jiwheyewhe È, yẹn hodẹ di ohó pẹvi de, (eyín yẹn dọhọ jẹgò, jona mi), zé do huhlọn mẹ. Oklunọ È, yẹn yinwanna yé. Na yẹn hodẹ dọ, yé ma na gbọagbá etọn gba. Podọ Oklunọ È, dikena ojẹ whẹjai ehe tọn ni yín dopo to whẹjai lẹpo mẹ. Oklunọ È, na awutunọ lẹ, po madógánno lẹ po, po nukuntọnnọ lẹ po, podọ mēdepope he tin to ofi nì mọ azònhẹngbọ yí to whẹjai he. Podọ na ylandonọ lẹpo ni yín whinwhlẹngan. Dinvie, to ayiha yetọn lẹ mẹ, eyín yé yín mayisenọ, bo sọ sọgan kẹlọyí Klisti to ojẹ

he lọ mẹ. Otó È, basi na mí. Na popo lẹpo tin to aḷo Towe lẹ mẹ. Dinvie, mí jo mídele hlan We, nado mọ awúsohia towe to ẹnẹn míton.

Podọ ga, Hiẹ dọ to Owé JOHANU 14:12 ẹn mẹ, dọ, “Nugbo, nugbo wẹ Yẹn dọ hlan mì, mẹhe yí Mí sè, azọn he Yẹn wà, wẹ ewọ na wà ga.” Dinvie, nawẹ mí mọdona do dọ, Hiẹ hẹn Dewe zùn yinyọnen hlan omẹ towe lẹ, na Hiẹ wẹ Yẹwhegán nẹ lọ, yèdọ Mẹhe Mọse dọhó Etọn dọ, yè na fọn En tite lọ. Podọ yé ma tindo yẹwhegán lẹ na owè fowe hunkọ, na gbàkija tin to aḷo lẹpo mẹ, sọgan Ohó Jiwheyewhe ẹn dóna yín hinhen ẹn; na enẹton wutu, yè diọ Ohó lọ zùn agbasalan, podọ mọwẹ hlan gbàkija lọsu ga. Podọ Otó È, mí sọ mọ ẹn to egbé ga, dọ, gbàkija lọ lẹzùn dopo to ale daho lẹ mẹ; mọwẹ mí sọ mọ Ohó lọ Lọsu sọawúhia to ninọmẹ dopolo mẹ. Enẹwutu, Otó È, dona mí to whẹjai he! Na mí jo mídele hlan We, po Ohó Towe po. Podọ Oklunọ È, núdepope he Hiẹ jlo nado wà hẹ mí, basi i na mí! To Oyín Jesu ẹn mẹ. Nişẹ.

[Nọyiyọnnu de dógbè hunkọhunkọ. –Ed.] Dinvie, mí ma mọdona núhe É dọ gba. E sọgan yín dọ é jlo na dọhó na mí, enẹwutu mì nọ whiwhẹ mẹ. [Nọvisunnu de sọ ná tunmẹ ohó lọ ẹn.]

Nişẹ. Bé mì ko hia to Owé Wiwé lẹ mẹ to ofi he, kẹntọ lẹ to zọnlizin te, bọ yé bẹ yédele plidopo te? mì na mọ dọ yé na tin to huhlọn daho de mẹ to mọ. Podọ gbigbọ Jiwheyewhe ẹn jẹ do gbẹto de ji, bo sọ dọ hlan ẹn dọ, ewọ ni dọ, dọdai, bọ yé sọ và kẹntọ yéton lẹ sudo. Mì mọmidona? dopolo wẹ enẹ. Fińẹ lọ wẹ mì sọgan và kẹntọ lẹ sudo te, enẹwutu mì yí aḷo Oklunọ ẹn. Na aḷo Oklunọ ẹn wẹ Klisti, nugbo, yèdọ Ohó lọ, enẹwutu mì yí enẹ lọ do ayiha míton lẹ mẹ to whẹjayì ehe, to whenuena mí na biọ odẹ lẹ mẹ.

Yẹn yise dọ Billy ko má owé odẹ ẹn lẹ whladopo dogọ to egbé. Owé odẹ B ẹn, mì gbọ mí ni yí owé odẹ B ẹn, osọha kanwé-atọntọ (85). To whẹjai osọ he wáyì ẹn, mí tindo wéma fọton (15). Mí nọ ẹnẹn bo nọ yí sọha fọton (15) to whẹjai lẹpo. Enẹwutu mì hẹn owé odẹ míton lẹ ẹn do aḷo mì ẹn lẹ mẹ, na mí na wá yé ji to dinvie. Gbọ mí ni yí sọha fọton (15), yèdọ sọha kanwé-atọn (85). Owé odẹ B ẹn, kẹdẹdi lé hiẹ mọdona do Branham. B, sọha kanwé-atọn (85) do jẹ kanwé-ko (100). Mì gbọ mí ni pọn mẹhe tindo owé odẹ B ẹn, sọha kanwé-atọn ẹn (85), mì zé aḷo míton lẹ do aga...Oje! eyon! gbọ mẹhe tindo sọha kanwé-atọn ẹn (85) lẹ ni hẹ ji wá.

Dinvie, visunnu şie...e sọgan yín dọ jonọ de tin to ofi, bo ma yon lé yé nọ basi ehe do. Visunnu şie wá fi dinvie, kavi omẹ de; eyín Nọvisunnu Bọdasi ma sọgan wá, mì gbọ mẹdevo ni wá. Na omẹ de ni wá bo bẹ owé odẹ ẹn, yèdọ kanwé-ko (100) hunkọ ẹn, bo şite to gbẹto lẹ nukọn nado flú owé lẹ



lọ dopo. Na whenuena é na yí owé odè tọn lọ na mì, e ma na sọgan do hlan mì, whenuena mì na hẹ agbà lọ ji, na é ma yọnen wutu. Podọ yẹn lọsu ma sọ yọnen gba. Yẹn na wá to whejai bo na dọn owé odè tọn ao (10) kavi fọtòn (15), to owé odè tọn lẹ mẹ. Enẹ ma tindo núde na wà hẹ azònhẹngbọ mítòn lẹpo gba. Mì sọgan sọnai fiñẹ. Bé mì mọ to whejai he wá yì mẹ? Mẹnụ wẹ tin to mì mẹ bo sọawuhia fi to osọ? mì zé alọ mítòn lẹ do aga. Mọwẹ gbẹtọ nẹ lẹpo mọ azònhẹngbọ yétòn to pipli mẹ lọ!

Dinvie, enẹ wẹ sọha kanwé-atòn (85), kavi kanwé-şidopo(86), kavi kanwé-şinawe(87), kavi kanwé-şinatòn(88), kavi kanwé-şineneş(89), podọ kanwé-aotọ (90). Mì gbọ yé ni wá dinvie. Owé odè B tọn, sọn kanwé-atòn(85), kanwé-şidopo(86), kanwé-şinawe(87), kanwé-şinatòn(88), kanwé-şineneş(89), podọ kanwé-ao(90). Enẹ na yín dopo... Nugbo, mí tindo hudo...podọ eyín međe...devo sọ die, mọwẹ, enẹ na hẹn sọgbe. Sọn kanwé-ao(90) do jẹ kanwé-ko (100). Kanwe-widopo (91), Kanwe-wiawe (92), Kanwe-wiatòn (93), kanwe-wiẹnẹ (94), kanwe-fọtòn (95), kanwe-fọtòn-nukun-dopo (96), kanwe-fọtòn-nukun-awe (97), kanwe-fọtòn-nukun-atòn (98), podọ kanwe-fọtòn-nukun-ẹnẹtọ (99).

Dinvie, eyín hiẹ ma sọgan sẹtẹn ... Do ayi e go, yẹn mọ do mí tindo asú po asi po de, bọ yẹn sọ mọ kẹkẹvi ẹnẹ. Dinvie, eyín hiẹ tindo odè wéma, bọ yè ylọ sọha wéma towe tọn, sọmọ bọ hiẹ ma sọgan sẹtẹn, sã zé alọ towe poun, mí na dọn kẹkẹvi lọ wá ofi.

Do ayi e go, eyín hiẹ matindo odè wéma de, sã gbọşi fiñẹ bo to dẹho, dọmọ, “Oklunọ È, gbọ na e ni yín yẹn to whẹjai he!” Dinvie, omẹ nẹbi wẹ tin to ofi bo matindo odè wéma de? Mì zé alọ mítòn lẹ do agà! Ojé, Jiwheyẹwhe şie È! E sọgbè, dinvie mì dikena mí ni dọ ehe, şigba yẹn len dọ e ma taidi ylankan didọ do onú wiwé go gba. Podọ nawe pẹvi de tin to ojẹ de mẹ bo matindo odè wéma, mehe hó mí ko dọ. Mehe to tintòn gbọn omẹ lẹ şenşen, bo dọmọ, (mì dótó dinvie), “Eyín yẹn sọgan dóalọ avọ Dawe nẹ lọ tọn lẹ go, yẹn na jẹ gángán.” Omẹ nẹbi wẹ mọdona otàn lọ? E yọn. Dinvie, etẹwẹ yọnnu nẹ lọ wà? Do ayi e go, é dóalọ É go, bo tónyi bo sọ sinai. Podọ whenẹnu wẹ Jesu lẹ hlan godo, bo yọn fie yọnnu lọ sinai do. Bé e ma yín mọwẹ? Na É mọdona lé tukla yọnnu lọ tọn yín, Bé e ma yín mọwẹ? Na É mọdona tukla yọnnu lọ tọn wutu, enẹwutu É do dọ tukla etọn hlan ẹn. Podọ yọnnu lọ sọ mọ to agbasa ewlọsu tọn mẹ dọ, zẹntin ohùn tọn lọ ko dóalọte. Bé e ma yín mọwẹ? Na etẹwutu? Na nawe lọ dóalọ É go wutu.

Dinvie, yisenọ nẹbi wẹ tin to ofi to whẹjai he, bo mọdona kẹdẹdi Owé Heblu tọn lẹ, dọ, kaka jẹ dinvie, Jesu gbésọ to Yẹwhenọ Daho yín, yèdọ Yẹwhenọ Daho he sọgan yín alọdógona gbọn azòn mítòn lẹ dali? Bé É ma

yín Ewọ wẹ? Nugbo wẹ, podọ eyín Ewọ lọ wẹ Yẹwhenọ Daho nẹ, to azọnwhé dopolọ, yèdọ Yẹwhenọ Daho lọ, bé nawẹ É sọgan wà dó to whenenu? Dinvie, É dóna wà ẹ kẹdẹdilé É wà dó to whenenu. Bé mì yí enẹ sè? Na É na wà ẹ kẹdẹdilé É wà dó to whenenu eyín mì sọgan yí enẹ lọ sè. Nugbo. Bé omẹ nẹbi wẹ yí enẹ sè? Dinvie, mì bo zé alọ mìton lẹ do agà, bo dọmọ, “Nugbo, yẹn yí enẹ lọ sè”.

Enẹwutu, whẹpo mí nado basi ohùkàn odẹ tọn, mì gbọ mí ni yí sọn ohùkàn he tin to gbonu fiñẹ. Na yẹn yọnen dọ, É tin to ofi. Na yẹn mọdona dọ Awúsọhiamẹ Etọn tin to ofi. Dinvie, mì wá! Bé mì ko wléawu dai na ohùkàn odẹ tọn lọ? Na yẹn jlo na ylọ yé jẹgbonu. Enẹwutu, mì lẹ pannukọn fi, bo hodẹ, bo sọ yise poun.

Do ayi e go, yonnu pẹvi de tin to aisinsin to ofi bo to pinpọn hlan mi, mẹhe sinai to yonnu he şinyon gannukun dé de, bé mì ma mọ Onú he tin to otà yonnu lọ tọn? mì pọn hlan ofi. Mì mọ? Nawẹ yonnu lọ to azọn ahún mẹ tọn jẹ. Bé hiẹ yise dọ Jiwheyewhe na hẹn we jẹ gágán? Eyín hiẹ yise, zé alọ towe daga. Enẹ wẹ yín tukla towe. Nugbo wẹ. Dinvie, eyín enẹ wẹ tukla towe, bo zé alọ towe daga na gbẹtọ lẹ ni do mọ we, zé alọ towe daga do mọ. Dinvie hiẹ ma sọ tindo azọn nẹ ba. Na yise towe ko hẹn we jẹ gágán.

Na Ewọ wẹ dopolọ to osọ, egbé, podọ mọwẹ kakadoi. Ojé, gbàkija de tin; şigba Jesu Klisti yín dopolọ to osọ, egbé, podọ mọwẹ kakadoi. Dinvie, mì sã to dẹho, na e ma jẹ dọ mì ni tin to agà to ofi, na mì nido mọdona gba.

Dinvie, yonnu de die. Podọ dẹnşolé yẹn yọnen dó, yẹn ko mọ ẹn pọn togbẹ şie mẹ, na yonnu de wẹ ewọ bo to ote to ofi po odẹ wéma de po, bo ma sọ yọnen eyín yè na ylọ ẹ kavi lala. Do ayi e go, omẹ de yí odẹ wéma de na we to dinvie, bọ yè ko sọ ylọ sọha odẹ wéma towe tọn, enẹwutu wẹ hiẹ do sọawúhia. Bé e ma yín mọwẹ? Do ayi e go, yẹn ma tindo asiko depope nado mọdona núhe hiẹ yín, podọ gbẹtọ he hiẹ yín, kavi ofie hiẹ sọn wá, podọ núhe hiẹ jlo gba, yèdọ yẹn ma mọdona núdepope dogbọn enẹton dali gba. Sunnu de poun wẹ yẹn, bọ hiẹ sọ yín yonnu. Nugbo wẹ. Ninọmẹ he dopolọ sọawúhia to Biblu mẹ, yèdọ to Owé JOHANU 4 tọn mẹ.

Dinvie, mì nọ dọmọ, “Etẹwẹ hiẹ ko wà to ojłẹ de mẹ wáyì Nọvisunnu Branham?” Dinvie, nọte to fiñẹ na ojłẹ pẹvi de whé! Mì mọdona!. Na yẹn ma yọnen gba, mì mọdona! Enẹwutu, É dóna wà ẹ. Yẹn ma yọnen gba. Nawẹ yonnu he tin to gbonu fiñẹ wà dó? Na yẹn ma ko mọ yonnu nẹ pọn togbẹ şie mẹ. Na jonọ titegbe de wẹ ewọ hlan mi. Şigba yẹn yise dọ, yonnu de wẹ ewọ. Bé menu wẹ mẹhe mọ azọnhẹngbọ yí to gbẹtọ lẹ mẹ to gbonu fiñẹ? Dinvie, jonọ wẹ mí yín hlan mínọzo lẹ. Eyín nugbo wẹ, bo hínhún alọ towe lẹ do agà *dolé*. Bé mì mọ? Na yẹn ma ko mọ nawe he

pọn gbèdè. Şigba é tin to aisinsin to fiņę po yise po. Dinvie, nawe lọ ko dóalọ Núde go, bé e ma yín mọwẹ? Podọ e ma na yín dagbe hlan eyín é dóalọ ogo é.

Dinvie, bé mì ma yọņęn dọ, Ohó Jiwheyewhe tọn wẹ Biblu? Na Ewọ wẹ dopolọ to osọ, egbé, podọ mọwẹ kakadoi. Enẹwutu, mí lẹzùn gohọ Gbigbọ Wiwé tọn he yín Klisti. Bé mì mọdona? Enẹ lọ wẹ Jinukún nugbo lọ. Podọ eyín Gbigbọ Wiwé biọ Jinukún nugbo Ohó lọ tọn mẹ, E ma na yín apáde Etọn poun gba (na gbigbọ mawé nọ zán Ohó lọ ga wutu), şigba mì dóna yí Ohó lọ blébu, bé mì mọdona? Yèdọ dopodopo Ohó lọ tọn; na Ewọ ma yín Jiwheyewhe kanpò gba, adavo Jiwheyewhe blébu. Bé mì mọdona? Enẹ wẹ núhe to jijọ.

Dinvie, nawe yọnnu de tin to ofi, yèdọ mẹhe yẹn ma ko mọ pọn. Jesu Lọsu mọ nawe he hunkọ pọn to ojẹ de mẹ, e sọgan yín dọ e ma yín to ninọmẹ dopolọ gba, yẹn ma tẹ mọdona lala. Yèdọ to whenuena É sinai to dọtò de kọn. Na É dóna yí Samalia wutu. Podọ mí sọ mọ dọ, otò Samalia tọn tin to osó lọ glọ. Do ayi e go, É jei otò Jeliko tọn mẹ şigba É gbọn otò Samalia tọn mẹ, bo wá fie yè nọ ylọ dọ otò Sika tọn mẹ. Do a yi e go, É sinai to odọtò kọn, bo do núplọntọ Etọn lẹ hlan nado yí hẹ núdùdù.

Dinvie, gbẹtọ alopã nebi wẹ tin to aihọn mẹ bo to yiyi, bo sọ to gigọ? Yèdọ gbẹtọ donu atọn he yín Ham, Şem, podọ omẹ Jafeti tọn lẹ ga. Na mí omẹ pó tónsọn Noa mẹ. Podọ aihọn he sọ pò to ojẹ nẹ lọ mẹ yín vivàsùdo. Şigba gbẹtọ donu atọn gẽ wẹ sọ pò, yèdọ sọn Ju lẹ po Kosi lẹ po mẹ jẹ Samalianu lẹ ji (ehe yín adàdé sọn Ju lẹ mẹ podọ sọn Samalianu lẹ mẹ). Podọ enẹ wẹ gbẹtọ alopã he tin to aihọn lẹpo mẹ, bé mì mọdona? Yèdọ gbẹtọ donu atọn gẽ.

Do ayi e go, onú lẹpo to Jiwheyewhe mẹ sọgbè. Dinvie, mì pọn dọ, yẹn to hódọ do gbẹtọ donu atọn lẹ ji to whẹjai he: yèdọ do ninọmẹ vòvo donu atọn gbàkija tọn tọn ji, podọ ehe mẹ Ohó lọ sọawúhia gbọn, po onú mọtọnhunkọ lẹ po. Bé mì mọdona?

Dinvie, Ewọ Mẹhe dọhó hlan Ju lẹ, dọ hlan Filipi to whenuena é hẹn Natanaeli wá, dọ, “Yẹn ko mọ we to whenuena hiẹ tin to atin glọ.”Podọ ga, whenuena Andle hẹn Pita wá, É sọ dọmọ, “Oyín towe wẹ Simoni, podọ sọn dinvie yi, yè nasọ nọ ylọ we dọ, ‘Pita’”. É sọ dọmọ, “Ovi Jona tọn wẹ hiẹ.” Bé mì mọdona? Dinvie, Ju wẹ yé omẹ pó.

Şigba to ofi, É yi Samalianu dé de.

Şigba ojẹ Kosi lẹ tọn wẹ dinvie. Podọ É ma ko sọ basi enẹ hlan Kosi lẹ gbèdè pọn. Mì din Owé Wiwé lẹ pọn!É ma wà mọ gbèdè. Şigba É dopa to Owé LUKU 22 tọn mẹ dọ, É na wà ẹ jẹnukonna Wiwà Etọn lọ.

Şigba É sinai to fiñe, bo do ayi e go do, yonnu adàdé sọn Ju lẹ mẹ podọ sọn Kosi lẹ mẹ sọawúhia. Podọ Ewọ sọ do hlan yonnu lọ dọmọ, “Yonnu, na Mi ma nù.”

Yonnu lọ sọ dọmọ, “Na eyín dó bọ Hiẹ Mẹhe yín Ju to onú nùnù kàmbiọ mi, yẹn mẹhe yín yonnu Samalia tọn? Podọ dogbó de tin to ofi. Na Ju lẹ ma nọ wànú dopọ hẹ Samaliatọ lẹ gba. Podọ Jù de wẹ Hiẹ, yẹn sọ yín Samaliatọ.”

Jesu gblọn, bo do hlan ẹn, do, “Şigba eyín hiẹ yón núniná Jiwheyewhe tọn, po Mẹhe do hlan we, do, Na Mi ma nù po; hiẹ do sọ kàmbiọ sọn Yẹn si.” Dinvie, etẹwẹ É to wiwà? É to hódọ hẹ gbigbọ yonnu lọ tọn. Podọ dẹnslé É mọdona tukla etọn, É do hlan ẹn, do, ewọ nì yì bo ylo asú etọn wá. Ewọ sọ gblọn, do, ewọ matindo asú de gba. Jesu sọ dọmọ, “Hiẹ do dagbe do, yẹn matindo asú de: Na hiẹ ko tindo asú atọn dai.”

Do ayi e go to whenuena Falesi lẹ mọ Ẽn bọ É to mọ wà! Dinvie, mì pón, enẹ wẹ gbàkija lọ to gblagbla Ohó lọ tọn mẹ, etẹwẹ yé do? yé do hlan do, “Beezebuli de wẹ Dawe he, yèdọ ogán aovi lẹ tọn de.” Bé mì mọdona?

Whenẹnu wẹ Jesu gblọn, dọmọ, “Mẹdepope he do onúde do Gbigbọ Wiwé go to whenuena e wá şẹ dó azón dopolo ji, yè ma na jó na ẹn gbèdé.” Na enẹ wẹ gbàkija towe. Bé mì mọdona? Do ayie go, É dọmọ, Ewọ na jo ylando yeton lẹ na yé to whenẹnu, na Gbigbọ Wiwé ma ko sọawúhia wutu; na yè ma ko hù Avósánnú he yín Lẹngbovu lọ wutu.

Podọ to whenẹnu yonnu lọ ma lẹn enẹ lọ pón gba. Na yonnu lọ tọn, ewọ dọmọ, “Mẹdaho, yẹn mọ do, Yẹwhégán de wẹ Hiẹ.” Na yé ma ko tindo yẹwhégán de na owè kanwe-kò hunkọ. Yonnu lọ sọ dọmọ, “yẹn mọ do, Yẹwhégán de wẹ Hiẹ. Dinvie, mí yọnen do Messia he yè nọ ylo do Klisti lọ, whenuena Ewọ na wá, enẹ wẹ onú he Éwọ na wà.”

Nugbo, eyín enẹ wẹ núhe Éwọ na wà, bé Ewọ yín dopolo to osò, podọ to egbé ga. Podọ mọwẹ É hẹn Ede zùn yinyọnen dó to whenẹnu, bé e ma yín mọdopolọ to egbé? E dóna yín mọ! Dinvie, yonnu de po sunnu de po sọ pé yénzo lẹ. Ewọ ma yín yonnu nẹ lọ, mọ yẹn ma sọ yín Sunnu nẹ lọ gba. Şogan, Gbigbọ Wiwé dopolo wẹ tin to ofi, bo dọpagbè do, azón he É wà lẹ, dopolo wẹ mí na wà to azán he gbè Ovi gbẹtọ tọn na yín didohia te.

Dinvie, dilé yẹn ma yón we dó (mọ hiẹ sọ mọdona do, nugbo wẹ), na mí yín jonọ hlan mídelẹ titegbe, podọ hiẹ şite to ofi. E şogan yín do, núde to wiwà we, e sọ şogan yín lala, yẹn ma mọdona gba. Şigba eyín Oklunọ Jesu na dohia mi gbọn Gbigbọ Wiwé dali, yèdọ núhe to wiwà we, bé hiẹ na yise to whenẹnu do Ovi Jiwheyewhe tọn wẹ, bo ma yín gbẹtọ agbasalannọ? Podọ *ehe* wẹ gohò he Jwheyewhe to zinzán de poun, yèdọ mọdepope he É

ko dè. Na É wà enẹ gbọn huhlọn jomìon tọn po didè tọn po dali. Enẹwutu, hiẹ ni sã yise. Bé hiẹ sogan? [Yonnu lọ sọ dọmọ, “Nişẹ.”–Ed.]

Dinvie, omẹ nẹbi wẹ tin to gohò he mẹ bo na yise? Do ayi e go, mí omẹ awele şite to Hinhòn lọ nukòn, podọ mí ma ko sọ mọ mídele pòn togbè mẹ, mọ yẹn ma sọ tindo linlẹn nado mọdona mẹhe yonnu lọ yín, núhe é yín, po fie é sọn wá po, podọ hùdo etọn. Do ayi e go, yẹn ma ko mọ ẹn pòn gbèdè to gbèzán şie mẹ. Şigba ofi wẹ yẹn to tintenpòn nado mọdona we: yèdọ nado dè gbàkija nẹ lọ sọn hiẹ mẹ to dinvie, bo yí Ohó lọ sè to whenuena Ohó lọ lezùn agbasalan to mí şenşen to ofi. Podọ Ohó lọ diọzùn ogbè to agbasalan míton titi le mẹ, bo to Awúşohiamẹ Jiwheyewhe tọn dohia.

Dinvie, na Ewọ ni basi na ẹn. Na yonnu lọ to tódó gblondo he jẹ dé. Do ayi e go, ewọ tin matin ovi, podọ é to hùdo ovi de tọn mẹ. Na ewọ ko sẹpọ owhe kande hunkọ. E ma boawu lala gba.

Podọ to gbonu fiñe dinvie, yonnu he yín wensinọ to gbèzán yeton lepo mẹ, bo sọawúhia to agbà lọ nukòn dólé, podọ Jiwheyewhe sọ ná ovi yé. Mẹhe mọdona to fiñe le ni zé alọ yeton le do agà. Bé mì mọdona? Yẹn zé oviyonnu yinwanna de hen to alọ mẹ to azán Osè tọn de gbè, whenuena yẹn tónson ofi to Osègbè whèjai; Oklunọ dọ hlan mi dọ, wensinọ de wẹ onọ etọn. Podọ viyonnu lọ, ovi whanpenọ de wẹ, bé é tin to ofi? Fie wẹ é te? Mọwẹ. É tin to ofi, yèdọ to aisinsin fi. Podọ onọ lọ tin to fiñe ga. Oviyonnu lọ losu ga. Bé mì mọ ẹn? Ewọ wẹ Ohó he yè dọ sọn Jiwheyewhe de.

Dinvie, bé hiẹ na yí I sè po ayiha towe lepo po? Bé hiẹ yise dọ dona he hiẹ tindo nẹ, ehe hiẹ to mimọ to dewe mẹ nẹ to dinvie, gblondo Jiwheyewhe tọn de wẹ? Do ayi e go, eyín Jiwheyewhe na dọ oyín towe na mi, na hiẹ nido ná oyín ovivu lọ, bé hiẹ na yise? Enẹwutu, Memeyonnu Tomsin, hiẹ lẹgòdo whégbè bo nasọ tindo ovi, eyín hiẹ sogan yise po ayiha towe lepo po.

Bé hiẹ yise po ayiha towe lepo po? Sã yise, hiẹ yín mayisenọ blo, sã yí Jiwheyewhe sè. Na Jiwheyewhe wẹ Jiwheyewhe.

Mẹdaho, na wẹ hiẹ te dó? Yẹn sogan dọ, dọ jonọ wẹ mí yín hlan mínọzo le. Whladopo he yẹn mọ we pòn togbè şie mẹ, dilé yẹn yönen dó, wẹ whenuena hiẹ ja fiñe. Mọwẹ yẹn len dọ tave Nọvisunnu Şakalian tọn wẹ hiẹ, kavi menu ... Nọvisunnu Maşagian, ohànjitọ lọ, whenuena hiẹ jù gbọn ofi. Podọ to whenenu, yẹn mọ we to whenu ohùkàn odè tọn mẹ. Dinvie, ojonọ de wẹ mí yín hlan mínọzo le. Enẹwutu, eyín Oklunọ Jesu na dọ núhe hiẹ yín de na mi, e sogan yín núhe hiẹ to jijlo, mí ni bo dọmọ; na

mí ni dọ, dọ, É dọ núhe hiẹ to jijlo de hlan mi. Dinvie, É ko yí i na we dote. Núhe pò wẹ yín yise pegan nado yí i sè.

Dinvie, omẹ nẹbi wẹ mọdona enẹ? Yise he pegan nado yise dọ, mì mọ núhe mì biọ yí! Bé mì mọdona?

Dinvie, dinvie, eyín mì tin to ofi bo tódó núde, bọ É sọgan dọ núhe ojlo mìtọn yín hlan mi, mọ mì sọ yọnen dọ yẹn ma mọdona ojlo mìtọn lẹ gba, whenenu e na yín dọ Núde tin to ofi bo to enẹ basi. Do ayi e go, kẹdẹdi Ohó lọ, É dopagbè nado wà ẹ. Na É mọdona linlẹn he tin to ayiha yetọn lẹ mẹ. Bé e ma yín mọwẹ? Nugbo wẹ.

Dinvie, hiẹ tindo ojlo daho azònhẹngbọ tọn. Na hiẹ tindo tukla onú dopo de tọn, enẹ wẹ homẹgble. Mọwẹ. Onú devo dogó, enẹ wẹ dọ hiẹ tindo tukla negbe tọn de, podọ tukla negbe tọn nẹ lọ sinawu talala to ojẹ he wáyì de mẹ, sọmọ bọ yè ko wàzónna we do e ji. Dinvie, enẹ wẹ LÉ WẸ OKLUNỌ DỌ. Nugbo wẹ. Bé mì mọdona? Nugbo wẹ. Onú devo sọ sọawúhia, ojlo daho towe wẹ yín dọ, hiẹ jlo na yí baptem Gbigbọ tọn. Ehe wẹ nugbo titegbe lọ. Enẹwutu, wá ofi!

Mẹviẹ Jiwheyewhe È, to Oyín Jesu Klisti tọn mẹ, gbọ na dawẹ he ni yín gigóna Gbigbọ Wiwé, whẹpo éwọ nido tọnjẹgbonu yi sọn gohò he mẹ, to Oyín Jesu tọn mẹ. Nişẹ. Enẹwutu, kẹaloyí I, nọvisunnu şie! Sã tindo yise, a yín mayisenọ blo.

Nawẹ hiẹ te dó? Yẹn mọdona, kẹdẹdilẹ yẹn yọnen dó dọ, ojonọ wẹ mí yín hlan mínọzo lẹ. Eyín mọwẹ, etẹwutu, na omẹ lẹpo nido yọnen dọ, ojonọ wẹ mí yín hlan mínọzo lẹ, zé alọ towe do agà. Yẹn ma ko mọ yonnu he pọn gbèdẹ to gbẹzán şie mẹ kẹdẹdilẹ yẹn mọdona dó. Mọ yẹn sọ lẹn dọ, é ma ko mọ mi pọn gba, na e ni kã yín dọ é tónsọn şenşen gbẹto lẹ tọn. Na Otọ Olọn tọn lọ yọnen, podọ fiẹ wẹ Ohó Etọn sọ tin te, dọ, yẹn ma ko mọ nawe he lọ pọn gbèdẹ gba kẹdẹdilẹ yẹn mọdona dó to gbẹzán şie mẹ. Enẹwutu, yẹn ma jlo nado mọdona núhe wutu hiẹ do wá ofi gba, na yẹn ma tindo linlẹn gbẹto he hunkọ tọn hiẹ yín, kavi núdepope gbọn dali towe gba. Mọ yẹn ma sọgan dọ núdepope hlan we gba.

Do ayi e go, onú dopo gẽ he hiẹ tindo wẹ núniná de. Kẹdẹdilẹ hiẹ sè lé yẹn túnmẹ dó to ojẹ he wáyì mẹ. Enẹwutu, hiẹ ni sẹ wá ofi, bo sè núhe É dọ; na núhe yẹn mọ, enẹ wẹ yẹn na dọ. Podọ ehe É ma dọ, yẹn ma sọgan dọ gba. Na eyín yẹn dọ dẽ titi tọn, e na jẹagò. Bé mì mọdona? E na jẹagò. Şigba eyín Ewọ dọ ẹ, e na sọgbè nugbo. Na e ma sọgan, mọ e ma sọ sọgan jẹagò gbèdẹ. E ma sọgan jẹagò gbèdẹ eyín É gbésọ to Jiwheyewhe yín. Bé mì mọdona? Na Jiwheyewhe ma sọgan jẹagò gbèdẹ.

Şigba eyín Jiwheyewhe sogan dọ núhe hiẹ jlo na mi, yèdọ ojlo towe, kavi núhe hiẹ wá ofi na, kavi onú mọtọnhunkọ lẹ, kavi mēhe hiẹ yín, fie hiẹ sọn wá, kavi núdepope he É jlo nado dọ na mi, bé hiẹ na yise? Hiẹ basi.

Onú dopo dogọ, enẹ wẹ yín dọ, hiẹ tindo azọn to afọ towe go. Na afọ towe lẹ to tuklado we. [Yọnnu lọ sọ dọmọ, “Mọwẹ”–Ed.] Nugbo. Hiẹ tindo tukla yọnnu de tọn. [Yọnnu lọ sọ gblọn, dọmọ, “Mọwẹ.”] Podọ hiẹ sọ tindo ojlo dahọ de to ayiha towe mẹ, na hiẹ ba mēde kavi núde pò to madenmẹ. Ovisunnu de wẹ ewọ, visunnu towe lọ tọnyì sọn whégbè bo honyì, podọ hiẹ jlo dọ yẹn ni hodẹ hlan ẹn na é nido lẹgòwá whégbè. [Ewọ sọ dọmọ, “Mọwẹ.”]

Jiwheyewhe he tin to Olọn mẹ È, do ovi etọn hlan ẹn po azọnhengbọ po. Bo sọ dikena Gbigbọ Wiwé ni hẹn visunnu nẹ dote to ali ji to whėjai he, na é ni lẹgòyì onọ etọn de to Oyín Jesu tọn mẹ. Nişẹ.

Do ayi e go, Ewọ Mēhe yọn ovi lọ na do é hlan we. A dibú blo! Yise dinvie, hiẹ yín mayisenọ blo! Sã yise po ayiha towe lẹpo po. Hiẹ yise, podọ Jiwheyewhe nasọ ná ehe pò lẹ we.

Dinvie, núdepope he e yín, yẹn tẹnpon nado mọ wuntuntun atọn kavi ẹnẹ nẹlẹ kaka jẹ whenuena yẹn tọn yì sọn nukọn etọn. Yẹn ma sogan dètana enẹ, na aliho de matin nado dètana gba. Mì nọ dọ, dọmọ, “Bé hiẹ to didọ, dọ, enẹ ylan hú yewehó he hiẹ dọ to şeju kande-atọn kavi húganmọ tọn de mẹ?” Mọwẹ, mēdahọ. Podọ eyín ogànhihò atọn wẹ, e ma na sọ mọ gba.

Do ayi e go, nawe de dóalọ avọ Oklunọ mítọn Jesu tọn go. Podọ gbẹtọ nẹlẹ ma to alọdó ogo é gba. Etẹwutu? Nawe he, pọn hlan mi. [Nọvisunnu dọ hlan nawe lọ, dọ, “Zé alọ towe do ogo é, bé mì mọdona?”–Ed.] Ewọ sọ dóalọ ogo é lẹdọ pé, podọ enẹ ma na wà núdepope gba, na gbẹtọ poun de wẹ yẹn. Şigba nawe lọ dóna dóalọ É go. Podọ yẹn, gbọn núniná de dali, tukla lọ dóna yì, mọ gbẹtọ yínyín şie lẹpo na yì odò, podọ yẹn nasọ dọ ehe yẹn mọ. Bé mì mọdona? Mọwẹ. Mì pọn! Na alọdó ogo é ma na wà núdepope gba, şigba nawe lọ dóalọ Jesu go gbọn yẹn mẹ. Mọkẹde wẹ yọnnu nẹ dóalọ Jiwheyewhe go gbọn Jesu mẹ dó, to whenuena É ma mọdona núhe to jijọ po yọnnu lọ po gba. Do ayi e go, é dóalọ avọ Etọn go, bo yì bo sinai. Podọ É sọ dọmọ, “Mẹnu wẹ dóalọ ogo É?”

Podọ apesteli lẹ sọ dọmọ, “Etẹwutu, na omẹ lẹpo wẹ to alọdó ogo We. Etẹwutu Hiẹ do dọmọ?”

Ewọ sọ dọmọ, “Şigba Yẹn mọ dọ huhlọn de tọnsọn ogo É.”

Dinvie, bé mì mọdona núhe huhlọn yín? Yèdọ hոnhlոn. Na É lẹzùn madógannọ dogbọn alọ dopo he yọnnu lọ dó É go dali, sogan Ovi Jiwheyewhe tọn wẹ Ewọ. Nẹmunẹmu wẹ yẹn, mēhe yín ylandonọ he yè

whlengan gbọn ojomiọn Eton dali. Bé mì mọdona núhe wutu e do yín mọ? Na É ọmọ, “Azọn he Yẹn wà, wẹ mì na wà ga. Azọn he sọ klohú ehele wẹ mì na wà; na Yẹn yì Otọ sie de wutu.” Ohógbè he yín, “Klohú” ọn, yín didọ to fińe, şigba to ogbè Glẹki ọn mẹ, yè nátùnmẹ e nugbo ọ, “Azọn he yìagà hú ehe wẹ mì na wà.”

Dinvie, na yonnu he lọ ọn, yẹn ma yọńen. Na yẹn ma mọdona núdepope dogbọn ewọ ọn dali. Podọ ewọ taidi jonọ de hlan mi kẹdeđi mehe pọ le. Na jonọ de wẹ mí yín hlan mínọzo le. Dinvie, mì zé alọ mìton le do agà na omẹ lepo nido yọńen, na mí ni ọ, “jonọ wẹ mí.” Dinvie, eyín Ovi Jiwheyewhe ọn pé yonnu de to ojle he wáyì le, to ninọmẹ pevi ehe hunkọ ọn mẹ to odọtọ de dali, bo ọhọ hlan ẹn na ojle vude, bo mọdona fie tukla eton te, bo sọ ọ núhe tukla eton yín hlan ẹn. Podọ gbọn eneton mẹ, yonnu lọ mọdona ọ, Ewọ wẹ Męsia lọ. Dinvie, hiẹ ko dóalọ ogo é, mọ yẹn sọ dóalọ ogo we, sọmọ bọ núdepope ma sọ jọ. Şigba eyín gbọn yise sie dali (yèđọ gbọn núniná de dali), podọ gbọn yise towe dali (yèđọ gbọn yise to e mẹ dali), hiẹ sọgan dóalọ ogo é bọ, É sọgan ọhọ gbọn yẹn mẹ hlan we, whenenu wẹ hiẹ na yọńen ọ, É tin to ofi kẹdeđi to odọtọ Syka ọn kọn. Bé mì mọdona? Na Ewọ dopolọ wẹ to osọ, egbé, podọ mọwẹ kakadoi. Bé mì yí enẹ lọ sè?

Do ayi e go, hiẹ tindo tukla susu, yèđọ awufięsa susu, he ylan titegbe! Dopo to tukla he hiẹ jlo ọ, yè ni hodena we na ọn wẹ yín azon ohúplome ọn. Mọwẹ. Bé e ma yín mọwẹ? Do ayi e go, alọ towe nọ jẹpọ to whedepenu he hiẹ dlen ẹn.

Podọ yẹn flin titegbe lé hiẹ nọ zinzonlin deđe dó. E sọgan yín to awuwhiwhle mẹ na ojle pevi de, kavi onú devo de he sọgan yín didọ, nado wá yí ... Kavi mì nọ mọ awúşohiamẹ onú dele ọn; mì gbẹto le mì mọdona ọ, e taidi ọ, gbofúfú de ja to E ji. Na yé ọ, ọmọ, “Etewutu wẹ é do len mọ,” kavi mì mọdona onú mọtónhunkọ.

Şigba hiẹ taidi omẹ whanpenọ de, enẹwutu, ọhọ hlan mi na ojle pevi de. Dinvie, mì gbọ mí ni note to ofi na asiko pevi de, na yẹn len ọ, núde tin to ayiha towe mẹ, ehe hiẹ to jijlo sọn Jiwheyewhe de. Dinvie, yẹn ma sọgan ná gblondo odẹ towe ọn gba, şigba Ewọ sọgan ... Na eyín hiẹ gbé yí i sè, yè ko na we gblondo lọ dote. Şigba eyín hiẹ jlo nado yise; ewọ nasọ hen we yise. Dinvie, yẹn na ọ hlan mì, dogbọn meyinwanna he matin to ofi ọn de dali, podọ ewọ wẹ nọvisunnu de, nọvisunnu lọ ma sọ tin to otọ he mẹ gba. Na ewọ tin to otọ fifa de hunkọ mẹ, yèđọ ehe góna otọ susu. Yẹn sọgan ọ, taidi to otọ Mişigan ọn mẹ, kavi otọ mọhunkọ ọn mẹ. Mọwẹ, otọ Mişigan ọn mẹ wẹ é tin te. Ewọ sọ tin to tukla azon he nọ hù omẹ súdo de ọn mẹ, ehe yín azon adovi mẹ ọn he ma sọgan dóalote, bo



sọ to tukla do é. Mọwẹ. Bé e ma yín mọwẹ? Enẹ lọ wẹ LÉ WẸ OKLUNỌ DỌ. Enẹwutu, dùku he tin to alọ towe mẹ, yèdọ ehe hiẹ zé do agà hlan Jiwheyẹwhe dinvie, do e hlan nọvisunnu towe lọ, bo dọ hlan ẹn dọ, ewọ yín mayisenọ blo, şigba ewọ ni yise, podọ é nasọ mọ azònhẹngbọ dinvie eyín ewọ na yise.

Bé hiẹ yise po ayiha towe lẹpo po? Bé mì mọdona? Do ayi e go, eyín hiẹ yise, onú dopo gẹ wẹ hiẹ dóna wà, enẹ wẹ nado kealọyí i nugbo. Bé enẹ lọ sọgbè?

Dinvie, mì nọ dọmọ, “É to pinpón hlan omẹ neleş. Enẹ wẹ núhe é to wiwà, yèdọ nado pón hlan yé.” Mì bo payi enẹ lọ go titegbe!

Do ayi e go, viyónnu alihotó tọn he sọawúhia to ofi, yèdọ awutunọ lọ, podọ mẹdepope he hiẹ yín. Dinvie, yẹn ma to pinpón hlan ẹn gba. Bé hiẹ yise dọ Jiwheyẹwhe sọgan dohia mi, yèdọ núhe tukla towe yín? Zé alọ towe lẹ do agà viyónnu eyín hiẹ sọgan yise, yèdọ hiẹ mẹhe to azònjẹ. Mọwẹ. Mọwẹ. Whenẹnu eyín hiẹ na yise po ayiha towe lẹpo po, tukla gbòhùn tọn he na dóalọte. Enẹwutu, yì bo tindo yise!

E ma pón hlan ẹn, bé e ma yín mọwẹ? Dinvie, pón hlan awà *he* ji, na núnimọ lọ tin to finẹ to depope he e sọgan yín dó. Nişẹ! Bé hiẹ ma mọ ẹn? Na e to gbèsisọ mẹ kẹdẹdilé Jiwheyẹwhe tin to gbèsisọ mẹ dó!

Bé hiẹ lọsu yise ga, dọ gbòhùn lọ na jó we do? Bé hiẹ yise dọ, e na jó we do? Mọwẹ, dinvie, yì dọ hlan Oklunọ Jesu dọ, yẹn yí I sè.

Do ayi e go, azán dopo de ja, yèdọ whenuena hiẹ na bé atin lẹ plidopọ nado zinzónlin eyín awutu húplomẹ tọn wá, şigba e ma sọgan bọawu gba. Hiẹ yise dọ, e ma na yín mọ, bé e ma yín mọwẹ? Dinvie, bé hiẹ yise dọ, hiẹ na jẹgángán? Enẹwutu, yì to aliho towe ji, na Jesu Klisti na hẹn we jẹgángán!

Hiẹ payi e go dọ, awutu ahúnmẹ tọn nọ hù gbẹtọ lẹ, şigba e ma na hù hiẹ gba! Bé hiẹ yise dọ, Jiwheyẹwhe na hẹnazòn towe gbọ, bo sọ hẹn we jẹgángán? Enẹwutu, yì dinvie po yise po to ayiha towe mẹ, bo sọ to didọ, dọ, “Yẹn yí i sè nugbo.”

Bé hiẹ nọ do ogbè Glẹnsi tọn? Bé hiẹ sè ogbè Glẹnsi tọn? [Nọvisunnu ylọ gbètùnmetọ de–Ed.] (Omẹ de sọ sọawúhia.) Mọwẹ, nugbo. Dinvie, bé hiẹ sọgan dọ núhe yẹn na dọ hlan ẹn? Dọ hlan ẹn dọ, eyín é sọgan yise, tukla hòmẹ tọn nẹ lọ na jó é do. Bé é na yí i sè? Tukla negbé towe tọn nẹ na jó we do ga, enẹwutu, hiẹ ni to yìyì to aliho towe ji po azònhẹngbọ po.

Nawẹ hiẹ te dó? Bé hiẹ yise? [Nawẹ lọ sọ dọmọ, “Mọwẹ, mẹdaho.”–Ed.]

Dawe he sinai fiṇe po tukla ɲɛgbé tɔn po, he to pinpɔn hlan mi whenuena yɛn dɔmɔ. Mɛdahɔ, hiɛ nasɔ mɔ azɔnhɛngbɔ ga, eyín hiɛ yise. Nugbo wɛ mɛdahɔ.

Do ayi yɔnnu he sɔ sinai to apá towe fiṇe go, he tindo tukla okò tɔn, bé e ma yín mɔwɛ, ɲɔyiyɔnnu? Bé hiɛ yise dɔ, Jiwheyɛwhe na hɛnazɔn towe gbɔ? Bé hiɛ jlo dɔ, yɛn ni zé alɔ do afɔ visunnu pɛvi nɛ tɔn na ewɔ nido mɔ azɔnhɛngbɔ ga? Dinvie, bé hiɛ yise? Hiɛ tindo tukla yɔnnu tɔn, bo ma sɔ tindo e to dinvie. Enɛwutu, yise towe ko hɛnazɔngbɔna we to dinvie, bɔ hiɛ ko sɔ jɛgángán.

Do ayi e go, bé mì yise dɔ, Jesu Klisti wɛ dopolɔ to osò, egbé, podɔ mɔwɛ kakadoi? Enɛwutu, mì gbɔ mí ni zé alɔ mítɔn lɛ do mínɔzo lɛ ji, bo hodè yise tɔn he, na dopodopo mítɔn lɛ ni hodè yise tɔn!

Mɛwivɛ Jiwheyɛwhe È, kɛdɛdilé mí dotà odò to Nukɔn Wiwé Towe dó, nado mɔ We to zɔnlinzin gbɔn gbɛtɔ lɔ mɛ, bo to azɔnhɛngbɔna awutunɔ lɛ to ofi popo. Na Hiɛ wɛ Jiwheyɛwhe. Dinvie, yɛn hodè dɔ Hiɛ ni hɛnazɔngbɔna gbɛtɔ helɛ pó. Enɛwutu, gbɔ na Gbɔfúfú Jiwheyɛwhe tɔn ni jɛ do ayiha yetɔn lɛ mɛ to yóyó jɛ mɛ, bo sɔ gbɔ yé ni yɔnɛn dɔ ojɛ to yìyì. Na mí dɛn to ofi na ojɛ pɛde, na mí nido tin po Ewɔ Mɛhe mí yinwanna po. Podɔ dinvie, na Awúshiamɛ Etɔn ni hɛnazɔngbɔna dopodopo mítɔn lɛ.

Dinvie, mí diɔnukunsɔ Satani, bo sɔ diɔnukunsɔ núyiwà etɔn lɛpo. To Oyín Jesu Klisti tɔn mɛ, hiɛ Satani é, tɔnsɔn gbɛtɔ lɛ mɛ!

Na omɛ he na yise lɛpo to dinvie, bo sɔ kɛalɔyí azɔnhɛngbɔ mítɔn lɛ, mì fɔntite to afɔ mítɔn lɛ ji dinvie, bo dɔmɔ, “Dinvie, yɛn mɔ azɔnhɛngbɔ siɛ yí. Na yɛn yí i sè wutu.” Eyín hiɛ sɔgan yise nugbo to ninɔmɛ towe pɔn, fɔntite to afɔ towe lɛ ji! Dinvie, mì zé alɔ mítɔn lɛ do agà, bo dɔmɔ, “A basi Oklunɔ Jesu, na Hiɛ hɛnazɔngbɔna mi.” Na Jiwheyɛwhe ni nò hɛ mì!

“To whɛwhɛwhenu, whenuena Jiwheyɛwhe dó Jinukún Etɔn do aigba ji, bo zé e do ayiha ovi Etɔn lɛ tɔn mɛ, yèdɔ hɛnnumɛ Etɔn lɛ mɛ, nado wà do Ohó lɔ ji, dɔ, enɛ kɛdɛ wɛ awoyínú yetɔn, enɛwutu, mì yín Ohó lɔ! Şigba, omɛ ylankan lɔ wá bo biɔ e mɛ, bo sɔ gbà aliglɔnnú lɔ, dogbɔn dido jinukún gbàkija tɔn dali, yèdɔ ehe jɛagòdo Ohó Jiwheyɛwhe tɔn go. Dinvie, eyín enɛ yín gbàkija to whɛwhɛwhenu, e sɔ pò to gbàkija yín. Na mɛdɛpope he na gò núdɛpope na Ohó Jiwheyɛwhe tɔn, jinukún gbàkija tɔn wɛ!